




嘉靖廿九年
至卅二年

四十五



國權

庚戌嘉靖二十九年

正月朔 上不朝

丁丑惠安伯張綱卒

戊寅吏部大計降斥四千六百餘人有差亦佐典史厲汝進
削籍前戶科都給事中論嚴氏謫也

癸未遼東蓋州等衛地震聲如雷再日止

乙酉增陝西清水高家清平三堡守備

鹽官談遷孺木著

丙戌荆府永定王載城薨端穆

辛卯前南京戶部尚書徐問卒問武進人弘治壬戌進士授

廣平推官遷刑曹歷廣東布政使治行第一撫貴州深沉廉

靜歷官俱有聲

癸巳保定河間定州官軍防守訖定賞格凡大征五千里外

踰歲人賞五金三千里外踰八月次之千里外踰六月又次

之五百里外踰三月又次之

甲午戶部上去年會計錄歲入共銀三百九十五萬七千一百十

六金出乃四百十二萬二千七百二十七金請一切節用報

聞

乙未南京工部尚書屠楷改南京吏部尚書

翰林編脩邢一鳳為侍讀

二朔申朔巡撫湖廣林雲同雲南道監察御史李廷春並免廷

春任石首知縣有墨聲雲同嘗答之至是恐報復劾其庄私

互訐俱影響各閑住

己亥起陳經太子少保戶部尚書總督倉場督理西苑農事

先卒經益都人正德甲戌進士授給事中歷兵部尚書

壬寅禮部尚書兼文淵閣大學士張治署詹事府事吏部左

侍郎歐陽德主禮闈

甲辰報虜移帳威寧海子將魁朔州命發河間兵駐密雲保

定兵駐通州涿鹿興州等四衛兵戍隘口

乙巳福建左布政使屠大山為右副都御史巡撫湖廣

丙午刑部左侍郎傅炯為南京刑部尚書

戊申墾甘肅荒田

甲寅周府上洛王安漢薨謚榮定

南京兵部尚書王學夔致仕

乙卯陳文德補南京國子祭酒工部左侍郎楊行中改刑部

故安南都統使莫福海子宏灑求封俟後命

丁巳琉球遣陪臣子五人入太學

戊午增陝西平川堡守備

壬戌大風霾

甲子陰慶州張山營堡山鳴

三月丑朔久旱諭禮部禱雨

丙寅未封妃鮑氏薨追封宜妃

辛未巡撫南贛都御史喻智應天府尹呂顯劾免

定京師逃戶助役銀初永樂間徙浙直富人三千戶直役完

平大興其後逃戶人徵二金助役至是止徵本戶母他累

壬申寧夏地震有聲

吏部右侍郎王邦瑞為左侍郎

癸酉禮部右侍郎李默改吏部右侍郎南京戶部尚書韓士

英改南京兵部尚書左副都御史孫應奎為戶部右侍郎總

督倉場督理西苑農事

增瓊州叅將命叙州守備署都指揮使俞大猷為右叅將往

守瓊崖

丙子京師宣府大風霾至晝晦夜分少止秋虜騎入犯凡風

霾所及皆不免于兵

丁丑前戶部右侍郎及宦卒

已卯策貢士傅夏器等三百二十人賜唐汝楫等進士及第

出身有差恩榮宴命內閣少詹事李本序坐二品末

丙戌黃塵四塞日無光

已丑工部上四籍歲徵六十一萬一千餘金歲收八十五萬

三千餘金歲支九十一萬七千餘金歲儲百萬餘金

辛卯兵部右侍郎胡松為左侍郎大理寺卿駱顯為戶部右

侍郎詹事王用賓為禮部右侍郎

大風霾

壬辰兵部右侍郎蘓祐為左侍郎工部右侍郎謝蘭改兵部
右侍郎太僕寺卿盧勳為右僉都御史提督南贛汀漳軍務
錦衣衛親軍指揮使郭守乾故武英侯助長子求嗣爵以勳
威許之

癸巳通政使孫禴為工部左侍郎

四
戊戌禮部左侍郎王崇慶為南京戶部尚書提督兩廣右副

都御史歐陽必進為南京右都御史

己亥工憂早遣官告知廟社稷

翰林編脩趙貞吉為右春坊右中允署國子司業

癸卯巡撫保定右僉都御史高大節佐院通政司左通政樊

深為通政使右通政陳時為左通政

丁未大風霾

總督漕運右副都御史龔輝巡按直隸御史戴德各言祖陵

近淮勢窪入淮下流壅塞勢必上溢今黃河水衝恐為陵寢憂宜急開支河口以通下

沃又衝潰當防并築陳庄劉家溝從之

己酉龔輝為大理寺卿總督糧運右副都御史周延為兵部

右侍郎兼右僉都御史提督兩廣軍務兼巡撫

辛亥前陽武知縣河間王聯居里淫暴至毆其父良良訴於御

史閣鄰論死久之出

良言息詞

獄又殺人仍論死憾先後御史胡植馮

璋張洽等知工喜聞告訐而令陽武時巡撫胡纘宗值工幸

楚供帳不備宮聯已御史陶欽夔論其贖至是訐奏纘宗迎

駕詩穆王八駿空飛電湘竹英皇淚不磨為呪詛并及都御

史劉隅叅政朱鴻漸御史陶欽夔胡植閻鄰馮璋張洽前知

府項喬賈應春推官蔣珊知縣郭咸休田旬高儒給事中鮑

道明苑馬少卿袁淮等意所忤輒構入之令子朝策冬至日

入朝聲冤奏之工大怒分逮纘宗等下法司會訊刑部尚

書劉訥以纘宗詩頌德非謗也聯原坐殺人朝策詐朝臣重

論獄工以訥市恩削籍法司堂上官各奪俸六月司官下鎮

撫司拷訊杖纘宗四十削籍聯仍坐殺人罪子朝策如擬大

學士嚴嵩嘗申辨嘉之令兼支大學士俸嵩辭免

癸丑大雨百官表賀

乙卯巡撫延綏右僉都御史楊守謙為右副都御史巡撫保

定兼提督紫荆等關

周府汾西王睦榜薨謚端惠

戊午通政司左叅議趙文華為右通政

壬戌封掌道教事禮部尚書陶仲文封恭誠伯以禱雨平獄

百方求脫不得以是

也初京師雨土雨蠲屢風霾工頗疑畏問仲文云何仲文
知胡績宗等亡辜曰有冤獄得雨乃解上故宥績宗等尋
大雨工歸仲文功吏科都給事中張秉壺謂貪天功為已
力仲文辭免
浙江左布政使張烜為右副都御史總理糧儲兼巡撫應天
山西按察使張愚為右僉都御史巡撫延綏
五月丑宮人陳氏薨追封靜妃

廣西副總兵都督僉事沈希儀為總兵官鎮守貴州兼提督
平清等衛

癸巳鄭府盟津王祐樞知工簿鄭王厚烷誣其誹謗悖逆等罪
命駙馬都尉謝詔等按之
朶顏猛可等犯馬蘭谷

六甲午朔大理寺卿龔輝為工部右侍郎

戊戌申宗室越閩入奏之禁

己亥右春坊右贊善兼檢討閻樸為南京國子祭酒

辛丑翰林編修閔照煦為山西按察副使

壬寅祭虞陝西苑馬寺少卿李紳訐兵部右侍郎謝蘭前撫

陝西疑隔之也吏部覆紳挾私謫戍

癸卯南京大理寺卿方純為南京戶部右侍郎巡撫四川右
副都御史李春為大理寺卿總理河道右副都御史何鰲改
總督漕運兼巡撫鳳陽山西
戊申金星書見
甲寅巡撫江西兵部左侍郎兼右僉都御史張時徹為南京
刑部右侍郎南京太常寺卿汪宗元為右副都御史總理河
道

金星書見

乙卯四川左布政使張素為右副都御史巡撫四川

丙辰停江淮捕盜總兵巡按監察御史趙錦言其無益
丁巳故黔國公沐朝輔母李氏訴次子朝弼忘姪輩孤弱乞
護鞏至京候長還鎮許之鞏尋殤朝弼奏留母侍養亦許之
免濟南兗登青廣平真定河間旱災夏稅屯糧

戊午俺荅以數萬騎寇大同伏銳谿谷中以羸騎百餘餌我
總兵涼州張達素果敢徵兵未集率輕騎赴之或原戒其輕
達曰乘此不遂待深入即得捷蹂躪多矣遂直前中伏圍數
重達四擊馮蹶被殺副總兵林椿分擊零騎于彌陀山間被
圍不介馬而馳援達不克中矢死事聞贈達左都督謚忠剛

椿都督同知謚忠勇予祭葬立祠世本衛指揮僉事達目不
知書然慷慨有奇節膂力絕世好先登陷堅所向有功卒以
此敗初虜犯大同總兵張達師未集驟前中伏死副總兵林
椿戰彌陀山聞之不介馬馳救亦死達椿俱敢戰功雖不終
逸人甚稱之先是虜中數騎潛入盜邊、尉報狀巡按監察
御史胡宗憲喜事會夜醉屬達曰將軍可趣戰達謂夜中伏
不利請待旦乃發宗憲曰若欲墨吾白簡耶達勉以二百騎
夜出紅至寺堡虜大至圍之數重副總兵林椿授之亦敗所
去制府二百里總督郭宗臯聞急往救無及宗憲但請邱達

椿而匿其發蹤狀科給事中唐禹不知也劾宗臯及巡撫

陳耀等失援

閏甲子南京右春坊右中允呂懷為南京通政司右叅議

乙丑陞江西左布政司為右副都御史巡撫江西
免山西夏稅

咸寧侯仇鸞家居久兵部薦之詔復太子太保總兵鎮大同

改勇營都指揮僉事徐珏為署都督僉事左副總兵協守

丙寅免隆慶州永寧縣去年田租之半被虜故

戊辰翰林脩撰茅璿為左春坊左諭德

免開封歸德衛輝懷慶旱災夏稅有差

癸酉逮總督宣大侍郎郭宗臯巡撫大同右僉都御史陳耀
各廷杖百耀死宗臯誦成陝西靖虜衛初宗臯耀奪俸給事中
唐禹追論之
丙子左春坊左贊善吳山為南京左庶子兼翰林侍講署院
大同缺督撫命兵部左侍郎蘓祐攝總督兼右僉都御史巡
撫起守制兵部尚書翁萬達總督宣大前右僉都御史趙錦
巡撫大同以萬達家廣東未即至先遣祐
兵科給事中任有齡言大臣卹典費亦不貲近年乞請太煩
不無濫與惟因官而比例不錄賢而尚功乞深杜請求備加

論本禮部徐階覆曰文武官陳乞祭葬除違例不行外其或
應例而行業亡稱勲勞未著則全給者半之半給則僅予祭
或公論共著則不問例徑與立業其各府衛帶俸都督指揮
千百戶係戚屬應請裁但外戚為妃之父母祭葬喪費宜全
給其兄弟止祭一壇喪葬俱半給孀之父母宜視妃之兄弟
其兄弟止一祭給喪費三之一有旨文武官如議戚屬宜從
厚不許請文武大臣卹典雖成例應得德業未著以次遞降
如譴甚不復給工從之惟外戚如故
丁丑從禮科給事中楊允繩之言慎選督學官

戊午裁太常寺樂舞生庖人濫額
魯府慶元王載焮薨謚莊懿

免淮安鳳陽揚徐安東旱災等夏稅有差
已丑免順天河間真定保定山西旱災夏稅有差

屬夷復犯何坊口初順天巡撫王汝孝忝三衛府賞因襲殺
之致屢盜邊至六月旬虜大入

七甲午起孫承恩仍禮部尚書兼翰林學士署詹事府事
唐子大同總兵戚寧侯仇鸞以守備卑弱凡小堡歸併大堡
隨營截殺部覆從之

許湖廣土官如兩廣例立功襲職加散官從總督張岳請

已未虜屯古城川去塞二十里命兩官廳參將詹祥等兵三
部往

免陝西旱災夏稅

庚申夜火星犯木守井南

八月戌朔復虞守愚大理寺卿初失讞被勘

虜俺荅糾套虜大舉趨獨石屯金字河

癸亥南京前府靈壁侯湯祐賢卒

甲子虜犯宣府兩河口官軍拒之不克入

都督僉事郭琮總兵提督漕運鎮守淮安

乙丑東西官廳恭將吳尚賢梁臣分兵駐密雲懷來援宣薊

丙寅聖誕恩進成國公朱希忠特進光祿大夫柱國閣臣嚴

嵩上柱國尚書張治徐階顧可學並太子太保少詹事李本

吏部右侍郎兼東閣大學士嵩辭曰有傳云尊無二上上非

人臣所宜居累朝曠而不授唐太宗嘗為尚書令唐臣無敢

為尚書令郭子儀大功特授不拜臣識昧古今頗知敬畏乞

特免此官仍著為國典以昭臣節允之進子世蕃太常寺卿

徐學謨曰 上寵輔張孚敬夏言最所敬信然嘗微有抵

牾惟嵩終無間如辭上柱國踈委婉謙讓若有道者之言

維繫上心誰能阻之故特眷二十年而天始敗之也

命仇鸞兼將各路客兵宣府總兵趙國忠助之時鸞趨懷來

國忠趨龍門赤城

癸酉仇鸞略虜舍大同而東駐大興州去古北百七十里仇

鸞率所部至居庸關佯奏虜或侵薊請身壁居庸惟或隨賊轉戰或徑趨通州防守京師上命

順天巡撫王汝孝駐薊州謀報虜趨西北且止鸞兵還備大

同 上令鸞駐居庸俟援汝孝嚴守薊鎮葦華城副總兵劉

通赴天壽山

乙亥虜循潮河川南下至古北口薄闕城總兵羅希韓等禦
之不能卻

丁丑攻古北口我兵矢石卻之虜悉衆綴我師間道從黃榆
溝等潰墻入乘我後王汝孝^等兵潰虜自石匣營至密雲轉掠
懷柔順義圍之聞保定兵在烏解而南

大同總兵官仇鸞請通虜貢市馬謂邊臣違禁私交利歸於
下孰若大開賞格恩出於上功相萬也章下兵部

京師戒嚴時聞奸人潛欲焚各場積芻科給事中王德請
積芻半給騎卒半運入城發御馬分牧近縣悉收太僕寺馬_城

已丑下出塞虜不能軍沈雲等南敗盡尾之石匣營及
張家古北等口斬十七級俘四人鸞報八十餘級皆剽死虜

及難民也是日勞鸞及趙國忠徐珏張騰王臣王倫趙臣孫
時謙袁正姚冕羅恭金幣有差

庚寅禮部尚書徐階薦前都御史何棟副使聶豹納之
遼東左叅將楊應奇山東都指揮蕭國勳各入援命從大將

軍
停九月武舉

九朝如朔陝西布政司右叅政王誥為右僉都御史巡撫甘肅
發金粟遺戶部左侍郎駱顯督司官九人賑難民先蠲免後

核給

議處團營罷成國公朱希忠遂安伯陳鏗提督委科道巡視
歲易

逮東山口叅將陳燦論死坐虜入不能禦

發大通橋積粟二十三萬五千石有奇餉官軍

癸巳暫免陵祭

王汝孝羅希韓盧越各逮至城死成邊汝孝以首功自解俱

賄嚴嵩以免

貴州進兵勦銅仁叛苗屯河界水西安萬銓兵三萬五千人

都司土兵七千人衛司漢兵六千人共五萬大敗之尋撫其

餘

甲午命巡按御史邢尚簡閱陵脩理器物

乙未工部左侍郎孫禴改兵部左侍郎兼右僉都御史兼薊

州軍務節制河間真定保定遼東兵山東按察使劉壘前陝

西按察副使聶豹並右僉都御史壘巡撫宣府豹巡撫順天

李良吳嘉會皆罷

陝西按察副使王輪調密雲湖廣按察副使劉廷臣調天津

河南按察副使殷學調潼關山西布政司右叅議尹輪進副

使駐井陘各整飭兵備

更營制咸寧侯仇鸞總兵總督三營裁十二營兩官廳名

李維楨曰高皇帝監前代強臣握兵之害以內外兵分

隸五府、有正有佐三人文皇北伐旋師結營開操以

三千神機二營附之號三大營實皆五府兵耳故有五軍

營之名正統變為十營弘治加十二又增東西官廳然舊

營中尚有老家軍之籍五營名自在五府意猶存也府各

設將事權一偏營各統兵分数易明將將兵計莫善於

此自仇鸞貴幸分宜阿色請特設戎政廳內外兵悉授於

鸞而二祖分營分府之制漸盡矣賴天幸鸞早死不則國

家之禍寧在虜哉

丙申促仇鸞還京副總兵徐珏總兵鎮守大同

丁酉裁團營太監高忠徵河南山東太寧中都等班軍十六

萬餘各五月赴京操練

吏部左侍郎王邦瑞改兵部左侍郎兼右僉都御史管理京

營軍務

陝西總兵官成勳宣府副總兵孫勇西官廳總兵官高秉元

神機營右哨營官仲繼俱協同提督勳勇五軍營秉元三千

營繼神機營

悉召前總兵官周徹雲冒黃振李俊叅將劉還趙卿張堅王
玉游擊趙應王勳魏明蕭鎮守備黃恩

戊戌諭徐階昨會議跡欲遣間欲探賊手階答彼書漢字恐
出叛卒今戰守未備故欲遣間一探之一款之非敢謂可許
也各處募兵專委之書生未必堪用不如推重將官同往聽
選訖就令統理庶得實用

癸卯起潘潢南京工部尚書

代府進賢王後靖堯謚莊惠

丙辰吏部右侍郎李默為左侍郎巡撫山東右副都御史應
大猷為吏部右侍郎

丁巳罷戶部尚書李士翱降兵部右侍郎謝蘭一秩調南京

兵部右侍郎蘓祐總督宣大起翁萬達兵部尚書

戊午定五府府軍前衛錦衣衛堂上官值考選歲各自陳仍

科道拾遺

總督張岳討銅仁苗薛一龍許保十二月報捷斬獲二千餘
人獲龍許任家屬班師

十朝酉朔改京營提督曰總督京營戎政鑄戎政之印給仇鸞

癸亥戶部右侍郎孫應奎為戶部尚書順天巡撫右僉都御史聶豹為兵部右侍郎

東一真人陶仲文積俸賜萬金繒二百進上濟餉

甲子湖廣左布政使孫世祐為右副都御史巡撫山東

仇鸞請御史四人徵各邊兵赴京防秋擬總兵王黼副總兵

時陳叅將崔麒羅賢張堅徐洪戴綸鄭紀等領之兵部執奏

量調選用鸞因請從之

乙丑脩通州新城

丙寅吳嘉會復整飭薊州邊備巡撫順天

肅州衛地震

庚辰禮部署郎中薛應旂為浙江提學副使

辛巳刑部郎中徐學詩言頃者逆胡入犯詔群臣盡言而大

學士嚴嵩奸貪異常撫鎮爭致金寶釀成虜患幸工不誅

而復謬引受老廢總兵郭琮三千金兵不祥之說以謾清問縱子世蕃受失事李鳳

鳴二千金受老廢總兵郭琮三千金補官其威權足以假手下石機械足以先發制人

財勢足以廣交自固乘機構隙足以示威劫衆文詞辨給足

以飾非強辨精神警敏揣摩精巧足以趨避利害而彌縫闕

失私交密惠令色脂言足以結納權路而緘杜人口故凡論

嵩者即不能顯禍於正言直指之頃亦必託事假人陰中之
於遷除考察之際臣不能悉記即如先給事中王燁陳垣御
史謝瑜董漢臣等於時亦蒙寬宥而今安在哉天下之人視
嵩如鬼如蜮不可測識寧足悔心疾首敢怒而不敢言何者
誠畏其陰中之也 上以乘間報復下學詩鎮撫獄削籍嵩
乞休不允請遣世蕃歸田不允令給假隨任侍嵩學詩雖不
不見用天下誦之
仇鸞請來歲三月大舉征虜乞假臣經略節制遼薊宣大偏
關之兵臣十二月赴宣大同虜進止必不貽憂 皇上下兵

部議兵食

甲申巡視京營兵部主事申樞持正不為仇鸞誣言京營更

張之始臣叨耳目之詞願加詳慎不當決計一人青劾旦夕鸞奏

樞侵官攬權臣脇息懼罪不暇何暇謀虜遂下樞鎮撫獄罷

巡視京營

丙戌定祧 仁宗昭皇帝陞祔 孝烈方皇后初孝烈繼悼

靈自九嬪冊立禮部議祔奉先殿慈孝獻皇后之側一日諭

祧 仁宗禮部尚書徐階心難悼靈而憚工威嚴不敢與爭

禮科都給事中楊思忠言此他日聖子神孫事而 皇上身

自議之臣心未安。上不許已過。孝烈忌辰禮部請祀。工
曰方氏配一。繼統君忌辰可勿祀。且置主別廟。將來由臣下
議令忌辰莫一。厄不至傷情。卿等其更言之。階倉皇不敢覆
即上祧廟儀注。群臣懼不敢復言。
徐學謨曰時孝潔皇后為上元配。尚未有所祔。故
工意疑禮臣之不肯祔。孝烈者以此禮臣乃卒迫於從
令之恭。遂舉以宣廟之恭。讓憲廟之吳后為言。而不
知其事體有大徑庭者。於乎君臣之際。將順易而匡救難
誠然哉。

戊子通政司右通政張濂。太僕寺少卿劉大直。並為右僉都
御史督理山西宣大屯牧。
故兵科給事中陸粲。卒。粲字子餘。又字浚明。長洲人。嘉靖丙
戌進士。館選授工科給事中。數言事。皆見用。論乘馬。監策。諸
大政。并都鎮最後摘張孚敬。桂萼為罷相。已詹事。霍韜代辦。留
孚敬。謫繫驛。丞初草奏。鬼夜泣。不顧也。稍遷。永新令。有異政。
以母老。棄官。累薦不起。
劉鳳曰浚明學術至深。其所解義。儒者多不逮。不獨一經
能究明。肯向皆為跡前之滯疑。釋之授受。遠有緒於文詞。

尤恢肆勁嚴極其力要之不詭於正而屢抗跡公車則尤
烈引義遂動鬼神歷詆用事者不少選孺雖深竄僂辱
氣未嘗折下也方舉朝難其異議不敢為諛赫若此可
不謂骨梗臣消息未萌哉雖汲黯寢逆者謀未或過矣
馮時可曰抑予嘗有言臣於君猶子於父也大忠無所拂
詞不得已而傷其志暴其短於大疾而欲以脩和衆庶即
實其言非幸矣陸先生在垣忠憤鬱塞先幾後指屢進讜
言至通神明而泣魑魅非大忠能然乎下遷投劾力自澡
雪居名母傲知名母污寒蟬威鳳始終無所蹉跌推公意

念固非引罪廣忠如子事父沒身而不懈盛德之至哉

十一月庚寅朔署都督僉事成勳孫勇高東元仲種繼為京營副將

署都指揮僉事陶希臯許策王玉葉繼文趙承懋蕭鎮趙應

魏民黃恩蔡榮劉秉中趙卿吳尚賢伯安張世武田震王三

錫茂鎮劉芳施寬孫承宗署都督僉事劉鼎雲前延綏總兵

王輔薊州總兵周徼涼州副總兵蕭漢並為叅將

辛卯免順義懷柔平谷諸縣租役蓋被虜慘甚

壬辰巡撫山東右副都御史孫世祐改總理糧儲兼巡撫應

天

遼陽副總兵李洙為署都督僉事總兵官鎮守山西

癸巳監察御史魏謙吉往甘肅劉廷儀往寧夏蕭端蒙往延

綏姜廷頤往宣大選兵入衛仇鸞以京兵弱不任戰故徵邊

兵兵部左侍郎王邦瑞謂輕外事內非策不聽鸞日重擅部

置朝奏夕可不覆邦瑞謂非制不聽

丁酉選遼兵三千固原兵二千保定兵六千宣府副總兵劉

大章前延綏總兵吳瑛宣府叅將劉環游擊曹鎮領之

戊戌提督薊州軍務兵部右侍郎孫禴改通政使起何棟右

副都御史提督薊州軍務

增通州守將

己亥南京太常寺卿趙汝濂為南京右副都御史工部右侍

郎傅鳳翔改戶部右侍郎

兵部左侍郎王邦瑞為兵部尚書以翁萬達家嶺南未至

免金華衢台溫災傷田租

先是沅江土舍那鑑殺土知府那憲惧討密約婁南武文淵

謀亂命購捕之

壬寅祧仁宗昭皇帝

甲辰孝烈皇后祔太廟第九室

談遷曰 孝烈祔廟置 元配孝潔於何地明主可與忠
士言禮臣默不微詞隱約非所以揭大誼盡胸臆也

乙巳巡撫大同右僉都御史趙錦為兵部右侍郎兼右僉都
御史協理京營戎政
益府金谿王厚煌薨謚莊惠

丙午分三管兵為二班輪五日聽練從仇鸞議

前巡撫河南右僉都御史陸邛卒邛字彥卿嘉善人嘉靖丙
戌進士授南刑部主事歷郎中改刑部尋改南兵部出守常
德徙武昌又徙岳收饑課最邦太僕少卿秩滿進南鴻臚光

祿卿遷撫河南疾去三月卒年五十五

戊申分各邊兵應授信地

己酉 上念孝烈皇后祈福內殿三日

皇貴妃王氏薨謚端和恭順溫僖

庚戌廣開事例募富民出粟助邊 御史楊選議

辛亥薊州督糧右僉都御史李遂削籍遂遲至未謝恩遽請

符印忤旨

福建左布政司

以左副都御史吳尚德為工部右侍郎

以王積為右副都御史巡撫山東

免重慶旱災田租

乙卯右僉都御史王忬督理薊州糧餉兼守通州

戊午阜城門外設民兵教塲

己未翁萬達入朝奪兵部尚書改用

核南京各衛隱田

十 仁庚申朔定兩淮餘鹽正鹽同開邊召商報中

壬戌仇鸞言虜銳卒有限惟聚乃強吾欲得志於虜宜有以

分之請宣大遼東甘肅寧夏延綏敢戰為功報可

右僉都御史高大節為左副都御史佐院仍經略京城內外

癸亥 上祈雪內殿

丁丑巡撫山西右副都御史應檀為兵部右侍郎兼右僉都

御史總督漕運兼巡撫鳳陽前大理寺卿虞守愚起南京尋

進南京刑部右侍郎

己卯巡按山西監察御史陳九德薦請戒侍郎張漢閑任叅

議潘高有邊才以違例市恩削籍

庚辰虜俺答復款宣府不許命嚴備

壬午戶部右侍郎傅鳳翔兼右僉都御史督理宣大糧餉

癸未封載坫徽王英熿楚王萬枋慶世子敬鏗隆德王載堃

德慶王在鑿儀封王勤燦浦江王恬熙內丘王載堉壽張王

充孺棗強王充燠樂昌王厚斌德興王
起許論右副都御史提督鴈門等關巡撫山西山東布政司
右布政使楊冝為南京右僉都御史提督操江
黃元白邱預達曹和為給事中張雲路周如斗蔡朴黃國用
黃季瑞為試監察御史

甲申南京刑部右侍郎張時徹改兵部右侍郎順天府尹郭
璿為大理寺卿

刑部尚書顧應祥上詳定開刑條例刊之
命兵部右侍郎張時徹梁尚德右副都御史高天節錦衣衛

右都督陸炳築正陽崇文宣武門外城

辛亥嘉靖三十年

正月丑朔 上不朝

徵南京十五工部萬金治兵械戰車

辛卯大風霾晝晦連江雨石有聲如雷

戊戌宣府募兵增年例十萬金有旨
以河南左布政司馬坤為順天府府尹
東寧伯焦棟總兵鎮守湖廣

己亥復徵南贛鹽稅

庚子戶部主事于錦兵部主事趙時春為按察僉事同薊州

副使齊宗道分練民兵
仇鸞請申明賞罰科道官從軍驗功陞降自立功失事日為始從之

錦衣衛經歷沈鍊劾嚴嵩十罪納賄將開邊釁一也受諸王
覬遺二也攬吏部之權奸贓狼藉三也索撫按常例奔走盈
門四也箝制科道官五也妬賢嫉能中傷善類六也縱子欽
怨七也日運財貨騷動道路八也內閣九載無一善狀九也
不能協謀天討紓憂君父十也吏部尚書夏邦謨大事面咨
嵩而後行小事書通世蕃而發始因賄得官繼因官納賄濫

耻不立盜賊多起今日考察不先除此三人雖日退貪墨之

吏無庸矣有旨鍊作縣壞事被調揣考察不免出位肆臨下

錦衣衛拷訊安置隆慶鍊故善尚寶司丞張遜業得飲嚴氏

嘗倡言附編脩趙貞吉侵嵩惡之語世蕃勿與鍊通鍊密

聞之倉卒上書赦其罪無左據嵩借考察斥之狡矣

仇鸞請抽京營餘丁實伍不許命勾補正軍

甲辰望夜月食

丁未增派各省軍餉

仇鸞言簡銳千人為先鋒乞增游擊將軍三人領之兵部不

可而止
給西番洮州諸族勘合

戊申前巡撫遼東右僉都御史於教廣西布政司左叅政周
琬趙命愆期各降三級

總督何棟等修築閔隘

庚戌免宣府大同旱災田租

壬子遼府沅陵王寵涿薨

乙卯禮部右侍郎程文德為左侍郎國子祭酒孫陞為右侍郎

刑部右侍郎彭黈為兵部左侍郎兼右僉都御史巡撫應

天兵部職方主事趙時春為山東按察僉事統練民兵

丁巳皇貴妃王氏薨祔閻貴妃墓哀冲莊敬二太子附之幼

子隨母俱近天壽山

二月未朔禮部尚書徐階請立太子不允

辛酉南京兵部右侍郎何鰲為刑部右侍郎

翰林院侍讀學士閔如霖為太常寺卿署國子祭酒

丁卯兵部尚書王邦瑞言安攘大計承平日久一旦軍費百

出怨咨易起亟下明詔罷不急之工省得止之費令撫按諸

臣表率各屬盡心民事去年虜變失在偵伺之不明整飭之

未預與調集之不卑也今戰守之事俱宜預戒以備不虞營
制初定大小將佐分部訓練期於可用仍行科道時閱薊州
脩邊本禦虜第一義頃因甲可乙否遂致棄而不舉若謂調
集邊兵誘入拒戰此固奇矣但猾虜覘伺無時邊兵豈可常
調此非計之得也宜亟脩築斷然行之上以處文塞責、
對狀引罪落職冠帶視事

癸酉吏部內計降斥有差誥勅房大理司副上虞徐應豐以
族弟徐學詩故坐不謹應豐詣迎和門辭工詰中書官不
預政何斥為特旨留用嵩愈忌應豐後數年以悞寫科書諧

杖殺之

甲戌諭總督侍郎何棟等撫朶顏等三衛夷令禦虜報効

乙亥工部尚書胡松致仕冠帶兵部尚書王邦瑞削籍

庚辰停南關土城俟來秋

辛巳協理戎政兵部右侍郎兼右僉都御史趙錦為兵部尚

書

丙戌京察拾遺吏部尚書夏邦謨南京刑部尚書傅烟兵部
右侍郎史道南京刑工右侍郎虞守愚嚴時泰南京太僕寺
卿謝蘭右副都御史張素于湛國子祭酒周文燭並免戶部

左侍郎駱顯工部右侍郎龔輝改南京右僉都御史張濂右副都御史趙汝瀛汪宗元尚寶少卿邊銑並調外
丁亥經略紫荆關兵部右侍郎翁萬達自陳罷之跡謝字誤復削籍

三朝外吏部右侍郎李默為吏部尚書南京右都御史歐陽必進為工部尚書壬辰虜俺答去冬款宣府求貢請益堅至是遣教騎詣寧虜堡攢刀誓求貢市贈譯者馬二留四夷為質已縛叛卒朱錦李表示意總督蘓祐等以聞下廷議兵部尚書趙錦同仇鸞等議暫許之遣文武臣會鎮巡官諭虜果不犯塞於五堡立馬市

發周價十萬金買器幣其宣府延寧兩近開市歲四之勒限定數市畢還京上問嚴嵩請歲二市工然之起致仕兵部右侍郎史道兼右僉都御史赴大同經略邊事武臣京營以參將徐洪往

丙申南京禮部尚書萬鏜改刑部尚書戶部右侍郎傅鳳翔為兵部左侍郎兼右僉都御史協理京營戎政南京戶部右侍郎方純為戶部左侍郎提督撫治鄖陽右僉都御史任瀛改提督操江

總督湖廣川貴右都御史張岳分勦苗寇去年九月進師破

平之各哨新獲殆二千餘人官兵稱龍許保已獲第未逮至
實未獲也

戊戌懷柔縣草場火
已亥浙江布政司右布政連鑛為右副都御史總理河道起
於教右僉都御史經略易州
癸卯兵部車駕員外郎楊繼盛乞罷馬市略曰虜殘曠我八
陵虐劉我赤子不能報而反與市損威重長寇仇甚矣今說
者曰吾外假馬市羈縻虜而內得自寬脩武備夫虜至逆也
至無厭也人心憤之矣不及時激厲其氣用之而和以自弛

使邊人媮好衣美食忘其憤而懈於戰將愈隳豪傑効用之
心何備之能脩往者邊人私通虜吏猶得以法裁之今導之
矣是開百姓不靖之事也又不過曰得馬以資吾軍不知既
已和矣馬焉用之且虜安肯捐其善馬以予我、歲糜數十
萬而無所償於虜一不如意彼必敗盟以失信責我譽端百
出此其害廷臣皆知之而莫敢言惟 陛下獨斷 上以沮
撓下鎮撫獄誦狄道典史

徐學謨曰時邊備久疎文武諸無一人可恃為長城故
上不得已曲從馬市之議繼盛雖至忠謹亦未諳時耳故

密諭嵩有小人阻議國是紛、何由而定之語蓋意未嘗以繼盛跡為非是也特難大將軍之體不得不斥繼盛以重專閫之權耳未幾而俺荅背約入犯無虛歲上始悔馬市之悞而史道所謂暫塞其欲而脩我戰守若閫部大臣會議之言豈非共諛大將軍以欺上哉嗟乎有君無臣雖堯舜不能以治天下也

談遷曰俺荅攻逼京師其勢非弱小也俄而叩關納質果前恃而後恭耶度非其心仇鸞言聲北伐怯不任戰彼前鎮大同賄之俾別寇宣薊則日者求款亦時義革重賂購

之也嗚以馬市而出塞之師不復北矣故俺荅旋款旋肆人以為犬羊無信不知嚮導在內不在外也楊忠愍欲雪城下之耻力爭馬市謂和議之别名誠犯主之顏然犁庭掃穴如衛霍耿賈其人者抑誰任乎是又不可輕論也

甲辰畫徵京省餘銀給馬市

江西左布政使戴鰲為右副都御史巡撫四川大理寺左少卿沈良才為右僉都御史撫治鄖陽

安南莫宏溟襲都統使

丙午工祈雨齋三日遣告郊廟群祀

南京吏部計疏上降斥有差
裁直隸屯牧都御史令屯田御史兼理

丁未翰林院侍讀教銑為南京侍講學士署院

庚戌撫治鄖陽都御史任瀛南京尚寶司卿許穀司丞白悅
俱察免

辛亥工部右侍郎梁尚德為左侍郎巡撫湖廣右副都御史

屠大山為工部右侍郎

丙辰仍命禱雨

戶部右侍郎方鉉為左侍郎巡撫河南右副都御史葛守禮

為戶部右侍郎總督倉場戶部左侍郎端廷赦為南京右都

御史

四 己未朔湖廣左布政使翁溥為右副都御史巡撫湖廣巡撫

南贛汀漳右僉都御史盧勳改南京操江

癸亥設銅仁府撫苗通判

甲子周王朝垺堯謚莊王

己巳前兩廣總督兵部尚書張經改戶部尚書總督倉場督

理西苑農事南京光祿寺卿陸垹為右僉都御史巡撫河南

起張烜右副都御史巡撫南贛汀漳

庚午銅仁殘苗龍許保突入思州執知府李允簡及知事王
曰謙經歷盧蕙焚掠而去降總督張岳右侍郎戴罪視事允
簡釋歸卒允簡融縣人一云投崖死贈貴州按察使副詹子
入太學

增大同叅將四人

辛未設醮祈年於朝天等宮

經略京城外內右副都御史商大節言臣受命經略但叅酌
奏助非有重兵專責戰守也仇鸞以京城四郊分布委臣云
平時則脩築訓練有警則相機截殺是京城利害臣一身當

之矣鸞踪分布人馬止留柔脆守九門自簡銳五萬道戰倘
虜而有知一衝鸞一趨京師進退失據昨年事可鑒且臣所
得節制叅將麻宗等巡捕軍耳鸞又屢調是巡捕軍亦非臣
所有宜勅兵部議巡捕軍或屬臣或屬鸞或屬兵部其脩築
訓練費所出并早裁焉 上怒其推避下鎮撫司獄法司擬
失悞軍機論死嚴嵩言大節雖推避非臨陣失機比請戍邊
不聽始鸞由嵩入既挾虜得 上重而驕嵩猶欲兒視之不
應遂凌嵩出其上嵩恚數密跡沮之
壬申沅江叛酋那鑑殺左布政使徐樾時官兵進討鑑伴遣

經歷張維詣南羨乞降樾信之至沅江受降兵突出悉死贈
光祿寺卿錄一子巡按趙炳然請謚不報

丙戌大同鎮羌堡開馬市俺荅等就市馬二千七百餘匹虜
貪漢物互市不絕我歲費數十萬所獲馬皆驚下而小寇如
恒時

裁兩浙行鹽小票

五胡子朔雲南總兵沐朝弼等攻那鑑於沅江賊突出敗叅政
郝維嶽副使李維餘軍未退

丁酉署通政使事兵部左侍郎孫禴改戶部左侍郎總督倉

塲督理西苑農事巡撫江西右副都御史吳鵬為工部右侍

郎兼右僉都御史王學益為左副都御史

己亥故宣府叅將都指揮僉事李彬贈都督同知謚忠愍甲辰

膳房堡
敗沒

壬寅增戶部浙江江西河南四川雲南司主事各一

甲辰崇陽王顯休子英賢降封鎮國將軍顯休殺功兄顯梈

賜死不得襲

乙巳提督兩廣兵部右侍郎周延為刑部左侍郎巡撫湖廣

右副都御史翁溥改江西

俺答市畢貢馬九匹表謝勅賜衣幣仍許宣府延綏寧夏並
開市史道親詣經理

徐學謨曰邊臣以虜情盡惑工聽業已成習是時俺答
方強日無中國其上表謝賜引罪疑俱屬道等自為之而
虜或不知也馬亦安得久行哉

庚戌宣府新開口堡開馬市虜把都兒辛受伯腰卜即台吉
秃凡兒慎台吉就市易馬二千餘匹

辛亥停應天浙江等加派糧銀

六 庚申增神機營坐營官署都督僉事黃振專理火器

壬戌張熊嗣彭城伯張勳弟

大理寺卿李春赴任愆期落職

經略侍郎史道索叛人蕭芹喬源於虜初大同市畢隨犯左
衛詰之云芹等道之皆白蓮教亡命虜中不利款語俺答彼
毒水上沐伏甲市場若且殆左右復詭言芹源術能顏城又
樹黨左衛內應謀泄遁史道讓虜內媿使千騎隨芹源試
其術不效遂縛芹等三十餘人來獻

徐學謨曰是時上以撻虜為念而惡勾虜之人邊臣不思
陵備而日捕亡人以獻彼蕭芹之存亡果何益於虜之來

去哉

癸亥宮人何氏薨追封睦妃

山東地震有聲

甲子戶部右侍郎葛守禮為右僉都御史督理宣大山西糧

餉

汰內府各監局工匠

丙寅福建布政司左叅政王璣為右僉都御史充徐淮充歸

招撫營田使順天府尹馮坤為大理寺卿

前應天府尹孫懋卒懋谿人正德辛未進士令授南

京給事中諫南巡劾錢寧遷廣東副使坐擅笞緹校逮詔獄

謫藤縣典史後歷京兆行誼端潔居官有惠政贈右副都御

史

乙亥總督漕運兵部左侍郎兼右僉都御史應檀改提督兩

廣軍務兼巡撫應天府尹鄭漳為南京刑部右侍郎

山西按察副使尹綸調入京統民兵

貴州苗龍許保被擒叅將石邦憲購諸苗伺龍許保飲別寨

縛之諸將欲罷兵張岳不可謂吳黑苗未誅必為他日患仍

購捕

丙子金星晝見六日

丁丑巡撫陝西右副都御史鮑象賢改雲南

辛巳禮部左侍郎程文德治睦妃何氏塋言金山壘陘宜故

宜妃包氏靜妃陳氏同窆工遂定九妃同墓共一享殿

壬午廣西猺賊劫慶遠府庫殺人

癸未脩通州城成

仇鸞請以京兵民兵合營迎虜大戰邊兵出外擊虜零騎兵

行許食民禾戶部戴煤以從大學士嚴嵩跡止之

丙戌南京戶部右侍郎駱顯為戶部左侍郎總督漕運兼巡

撫鳳陽陝西左布政使賈應春為右副都御史巡撫陝西

兵部左侍郎兼右副都御史傅鳳翔卒贈右都御史

新野縣蒼山廟之白龍潭龍起水湧一二丈溺人畜潭移百

十步後復平

七月亥朔收各處勇敢自備械騎勦虜者

已丑仇鸞奏借民田車備戰守不許

俺答偽使蕭芹入市我擒之

庚寅購龍涎香

免延安旱災田租

癸巳時南京科道薦故御史王璜等如思編修唐順之刑部
主事唐樞山西叅政胡松皆邊才以浮譽報罷
叙擒叛人功進仇鸞太子太傅廢錦衣副千戶史道兵部尚
書賜金幣有差鸞舍人時義官錦衣指揮僉事

燕河營草場火

丙申海州衛地震有聲

董卜韓胡宣慰使司加渴瓦奇入貢使至五百人又招撫二
百六十八人禮部請額百五十人否則闕吏謝不納從之
己亥開淮安三里溝運舩由淮入河初總督工部左侍郎應

檀言曩者黃河入海直順涿而東故開清河口通黃涿以濟
運今其下涿如澗口安東等淤高河反壅而倒涿從清河口
灌入沙為澱今欲引之如故宜鑿澗口疏支涿沛河東注之
勢恐卒難就三里溝在黃淮二河未合誠令開濬而舟自溝
行出通濟橋沿淮以達河道已損且可省費從之
庚子移靈州叅將於橫城平虜守備改叅將
壬寅滇兵討那鑑不克俟後舉
乙巳壽王祐楮薨謚定王亡子還葬西山

徐學謨曰安州在漢南地最瘠空貧薄壽王都之享國最

以無嗣絕封後景王即其故邸續封亦四年而絕豈地少
高山大川漫衍阡陌美龍氣無所翕聚耶

甲寅通政司左通政趙文華為通政使南京太僕寺卿陳儒
為南京戶部右侍郎總督糧儲

八月未初馬市議幣布米麥易虜馬牛羊至是議富虜馬易幣
貧虜牛羊易穀粟史道言其便朝議虜欲無厭既易幣布復
請穀粟後難繼也議久未決道復以為請總督宣大蘓祐巡
撫何思等惧後禍各言不可一牛數廢一羊數釜米如珠而
牛羊如山竭廩不能厭也虜無親而貪寒盟其心耳市虜以

邊安也朝市暮掠何危如之勿許使仇寧惑之請廷議俱右
祐等上以問嚴嵩亦如之有旨不許專意戰守已俺答謝
衣帽之賜乞職役誥命上讀之即召道還京然邊臣尚與

互市紓急逾年虜好復絕

辛未命仇鸞以兵二萬七千餘人赴白羊口分布關隘

壬申周府湯溪王勤熒薨

叛人蕭芹張攀龍呂明鎮王得道喬源邱阜劉景陽等伏誅
戊寅仇鸞請討朶顏道虜之罪兵部尚書趙錦及總督侍郎
何棟等各爭之得寢

乙酉兵部尚書史道兼右僉都御史協理京營戎政

九朔戎朔巡撫河南右僉都御史陸垹疾去

制勅房通政使張文憲為工部右侍郎

仇鸞以家丁劫趙時春民兵營自辨乞休不允慰之

己丑光祿寺卿高澄為右副都御史巡撫河南

乙未京師地震有聲

弋陽王拱橫薨

戊戌科都事^給中何光裕等御史龔愷等劾兵部尚書史道

馬市之議委靡遷就馬市開矣即欲易米穀米穀塞矣即欲

請號令觀虜表意在請乞而道曰謝恩况表不虜撰其設心

為何宜亟斥道^上以窺婚光裕愷各杖一十餘奪歲俸光

裕卒杖下

徐學謨曰史道倡馬市以辱國罪在不赦光裕等論之似

矣第不如楊繼盛先事而言乃揣摩^上意方追捕其跡

安知^上之不可欺乎

辛丑評事陸從大為禮部主事改禮部主事張天復兵部主

事徐學詩為吏部主事吳蘭郭東藩進士吳國倫嚴杰為中

書舍人直制誥制勅兩房嚴嵩欲用其私人吏部竟訪上

壬寅吏兵部右侍郎應大猷聶豹為左侍郎戶部右侍郎葛守禮
改吏部右侍郎

免九江饒州承天襄陽災傷田租

曲周盜李邦珍劫山東鉅野河南太康等縣轉入亳州

逮莒州知州胡川楫日照知縣馮舜田先是樂安盜孟尚守

見捕急賄莒州同知賀朝宣而逸因二十騎薄日照執典史

高邦彥百戶李濟至邳州官兵殲之

戊申罷南京國子祭酒閻樸赴任稽緩

己酉免蘇松常鎮寧國太平鳳陽徐邳宿穎河南災傷田租

十 朔辰免順天河間真定保定順德廣平大名永平災傷田租

丁巳史道被劾乞休不問

庚申巡撫遼東右副都御史蔣應奎為戶部右侍郎左春坊

左諭德茅瓚為南京國子祭酒

免遼東屯租

浙直織紵紗羅八萬六千三百匹

壬戌免山西田租

丁卯免銅仁思恩田租

己巳總督薊遼侍郎何棟構擒朵顏衛逆夷哈舟兒陳通事

於白馬等關免東昌兖州田租

庚午改塋哀冲莊敬二太子於天壽山

壬申駐守昌平右僉都御史許宗魯為右副都御史巡撫遼

東

吏部尚書李默制籍會推遼撫江西布政使張臬謝存儒

工切責之跡謝忤旨默自浙江布政使以陸炳薦用嚴氏亦

右之及典銓不為嵩註因家榻默徇私市恩也默雖謹去與

輿論稱默不阿得六卿體

史道再乞休許之

甲戌改總兵官徐珏駐保定副總兵朱楫分駐易州聽節制

初並駐保定

丁丑召通州督餉都御史王忬易州經略都御史於敖入京

丙子刑部尚書萬鏜改吏部尚書

癸未高州地震如雷

上作承天府儒學碑

十肘丙戌誅叛人哈舟兒陳通事舟兒本甘州人史進通事名

志克俱逃虜中役於朶顏為嚮導患邊

丁亥吏部左侍郎應大猷為刑部尚書於教為兼右僉都御史駐守

昌平

戊子大理寺卿馬坤為戶部右侍郎翰林檢討林廷機為國子司業

己丑前禮部左侍郎許成名卒成名聊城人正德辛未進士館選授編修歷前官

庚寅岷府善化王譽桔薨

告郊廟大賚群臣進仇鸞太傅兼太子太師詹錦衣指揮僉事總督何棟左侍郎詹千戶總兵成勳進都督同知巡撫吳

嘉會右副都御史餘陞賞有差嚴嵩子世蕃進工部右侍郎

詹錦衣千戶徐階少保吏部右侍郎兼東閣大學士李本進

禮部尚書禮部尚書署詹事府事孫承恩進太子少保朱希

忠進太子太師右都督陸炳進太子太保前尚書史道尚書趙錦太子

少保各詹錦衣百戶俱內直贊玄功

辛丑巡撫河南右僉都御史陸擲卒擲平湖人丙戌進士

癸卯禮部右侍郎程文德為吏部左侍郎南京大理寺卿郭

鑒為大理寺卿

甲辰戶部右侍郎馬坤兼右僉都御史督理薊州糧餉

乙巳令巡撫官久任
丁未福州地震

庚戌前南京工部右侍郎嚴時泰卒
癸丑禮部右侍郎孫陞為左侍郎太常寺卿署國子祭酒閔如霖為禮部右侍郎

二月甲寅朔陝西馬市成總督王以旂等陞賞有差
丙辰仇鸞欲移大寧都司於薊鎮慮安土重遷先免太寧所屬外衛班軍京操改防薊鎮兵部言改戍甚便報可
癸亥左春坊左庶子兼侍讀學士吳山為太常寺卿署國子

祭酒

乙丑群臣表賀靈雪

前兵部左侍郎唐榮卒榮山海衛人嘉靖丙戌進士歷戶部郎中督餉大同適卒
榮計定之開門延官軍事遂平進光祿少卿歷撫甘肅改鎮大同四歲繕亭障治軍實吏民安堵榮去後歲中虜矣

丙寅南京翰林院侍講學士教銑為左春坊左庶子兼侍講

學士

丁卯寧晉伯劉良瓚卒

甲戌設總報大典於大高玄殿醮七日

乙亥封恬嬭安慶王恬燦潘王顯埔信陽王厚頰襄王在鉞

周王勤焟沈丘王承葵內江王融焚永福王肅檟豐林王是

日傳制正使懷柔伯施燾不至命事竣治罪

南京國子司業盧宗哲為南京尚寶司卿

刑科給事中李幼滋江西道監察御史李一瀚核餉宣大自

元年始

虜屢掠大同詰之曰此貧虜掠食耳即中國能禁民勿盜乎

俺荅復約河西諸部內犯史道諭止之

是年平緬酋莽瑞體據古刺宣慰司殺其酋長遂入孟養八

百老搃瑞體莽紀歲幼子避思倫法難奔洞吾近於古刺古

刺兄弟相攻為解之遂擁衆絕其道路二酋皆死盡有其地

強

壬子嘉靖三十一年

正甲申朔二上不朝

丙戌金星晝見甲午沒

丁亥仇鸞見邊警旁午懼開市見譴請諸臣各脩戰備每鎮

簡銳萬人歸臣如犯古北口毋扼虜俟深入中外夾攻之兵

部尚書趙錦謂深入我傷實多驚議詘

虜分犯左右威遠高山衛懷仁山陰大殺掠至戊戌乃出

壬辰虜入石匠河掠威遠城

五命戶工二部核帑金出入以聞

壬申年東安大水免田租

前總督漕運右都御史魏有本卒有本餘姪人正德辛巳進

士精敏有吏才而早諂近利時論少

之虜三千騎入弘賜堡求市御史李逢時以非期卻之遂攻陷

羊圪塔等堡

乙未延綏馬市成賞吉囊狼台吉衣帽如俺答把都兒

遼東總兵官李琦劾免宣府總兵官都督僉事趙國忠移遼

東

丙申命遼東苑馬寺卿張思兼開原兵備轄金復蓋州三衛

丁酉更定邊方官陞除降調格巡撫僉都御史三年滿進副

都御史封廕副都御史滿進侍郎恩廕亦如之侍郎滿進右

都御史右都御史滿進尚書量加官保俱留任必六年上始

內召守巡知府滿三年進二秩稍淺進一秩視內地量減年

內召守巡知府滿三年進二秩稍淺進一秩視內地量減年

皆不易地

戊戌翰林檢討王材為國子司業

南京

己亥夜月食

辛丑虜數犯大同仇鸞不自安請出塞搗虜上以問嚴嵩

知其深耐無開志謂須擒斬虜酋方為上功上不許語

鸞若零虜無煩卿也

海盜蕭顯以二百人餘犯松江吳淞所泊宋家港崇明兵屯

浦東岫戰敗顯遂偪上海東門僉事董邦政拒之二月戊午

始解去邦政遣縣丞劉東陽兵追之敗死兵備僉事任環再

擊卻之

癸卯延綏總兵官署都督僉事吳鼎移宣府

甲辰禮部尚書徐階請裕王景王冠婚令上儀汪階等

先裕王上命俱三月

張萬紀章迺楊海秦梁張允中祁清楊巍賀涇為給事中秋

斯彬王宗茂楊敷陳觀衡宋儀望吳遵陳學夔毛鵬段錦朱

寵陳瓚吳百朋張守蒙孫昭羅鴻宋賢李栢郭民敬朱綱金

澍徐斌汪充用為試監察御史清經綱宗茂澍斌充用俱南

京

丁未巡撫山東右副都御史王積為南京兵部右侍郎
宣府巡撫右僉都御史劉璽言自開互市大同多盜而宣府
宴如容臣漸次糜虜兵部謂原額五萬金馬五千匹雖歲數
市可也許之

靈州叅將韓欽為署都指揮僉事總兵官鎮守延綏
辛亥罷江西按察副使鄭世威坐稽任

壬子右僉都御史王忬巡撫山東

二朔丑朔西苑新宮更名永壽宮

宣府大同大饑人相食量借軍餉賑濟遣前督餉侍郎馮坤

賚帑金三十萬往

甲寅作裕王景王府

丁巳兵部左侍郎聶豹左副都御史王學益同翰林侍讀郭
朴清理軍職貼黃

虜寇大同鎮羌得勝二堡圍叅將孫麟於洞兒溝游擊呂勇
劉潭救之虜分騎迎戰各身免虜還攻二堡不下而遁
是日又千騎犯弘賜堡

己未俺荅移帳並天城平虜堡住牧兵部請中軍令許臨陣
總督得斬都指揮以下官總兵得斬士報可

庚申舉歲例大祈於大高玄殿停刑禁屠五日

辛酉虜三千餘騎寇大同威勇等堡指揮僉事王恭戰於平川墩敗沒叅將張騰擁兵不救虜由高山城南下大掠懷仁縣俺谷入大同塞指揮王恭死之先是上諭兵部大振兵威用張殺伐尚書趙錦上言大將仇鸞領入衛邊兵六萬八千天下精兵無以踰此若復親望依違坐悞事機臣等萬死何贖第鼓勇奏功以副 皇上眷遇之隆則在大將軍當自盡耳鸞偃蹇畏懦不敢發兵又恃通市不為戍守大同總兵徐仁復驕縱百務廢弛巡撫何思亦以通市禁邊軍敢拒殺者

抵死故北兵出入閉隘無忌動稱貢市有司廩餼惟謹其狡黠者變服入城奸辱婦女莫敢誰何至是萬騎入塞抵懷仁縣之管家堡大掠總兵徐仁副總兵王懷邦叅將張騰游擊劉潭各觀望不進潭又陰約鬻路獨中軍指揮王恭戰于管家堡力屈死之

癸亥鳳陽地震有聲

乙丑命仇鸞逐虜鸞掣大同大邊次邊墩軍止守三邊時虜並邊駐牧大邊次邊反隔在外懼通虜泄漏故掣之

丁卯太上道君誕辰建醮永壽宮九日

己巳營內教場

壬申修太和山玄帝宮

丙子大風霾

湖廣守備太監陳德訐奏都督蔣華當祀大不敬濫其事不實逮德詰狀皆華不問

丁丑召還保定督餉主事專責巡撫兵備官

定裁革武職條例及南北印馬御史三年一遣不候代

庚辰逮大同失事叅將孫麒游擊劉潭先是總督蘓祐虛報虜騎三萬實二千騎切責之

自弘賜堡拒市後虜屢求款不之應至是夷使孛頭智復至云否且入犯通事官林叢蘭誘縛之智曰殺我易耳中國不得休矣總督蘓祐上功梟智塞下

壬午械大同叅將張騰千戶王舉等入京

游擊將軍時陳植虜大同西路擊敗之虜二萬騎奄至相持兩日而退

叅將盧鏜搗賊宋家港掠其舟巨寇陳義間入松江城識者密擒之餘皆遁於浙

倭突定海閩奪舟閩人擊却之王直移金塘之烈港云定海

水程七十里而近奸徒日附夷航孔棘

三朔未朔 裕王 景王冠

乙酉福州地震

丙戌山西地震有聲

丁亥代府饒陽王克臻言總兵徐仁祖和戎一籌莫展游擊劉潭詭虜貢馬巡撫何思不加審輒勒朝使以幣至實無一虜諸將懼而招市勿給賞副總兵王懷邦幾被擒賄免近虜酣飲館舍虜益橫諸將禁殺虜如殺人之罪宣府開市宴然則處置得宜也事下巡按御史李逢時逮徐仁詔獄何思王

懷邦免官改駐守昌平右僉都御史於敖巡撫大同宣府副總兵孫時雍暫總兵大同

戊子命大將軍仇鸞率兵赴大同逐虜過昌平供帳擬於乘輿一鷺至三金道路以目

己丑總理漕運都御史駱顯南京兵部右侍郎王積俱被劾顯免積疾去

辛卯少保兼太子太保禮部尚書徐階兼東閣大學士直閣仍部事山東按察使周琬為右僉都御史駐守昌平

甲午裁山東海右道僉事改青州兵備僉事為巡分副使

總督河道右副都御史連鑾總督漕運兼巡撫鳳陽山東左

布政使謝存儒為右副都御史巡撫河南

乙未起歐陽德禮部尚書德方守制上急之俾服闋即入

戊戌禮科給事中張迺請二王出閣就學上讀之

諭吏兵二部更置宣大文武官吏宣府副總兵孫時謙中路

叅將柴縉游擊將軍姚冕大同西路叅將朱雲漢皆免

己亥河南右布政使魯鈞為右副都御史總理河道

辛丑肅府淳化王真泓薨謚端惠

壬寅總督薊遼侍郎何棟分薊鎮為八區各叅將領之

故大同指揮僉事王恭贈都督僉事廕正千戶

甲辰海盜犯瓊州殺指揮陳忠言胡松百戶都瑛

丁未定遼右衛軍餘徐打成陷虜入之至是假凡力其山衛

指揮納兒勅貢馬事覺伏誅

己酉倭九十餘人登松江南門焚掠千戶童元戰死

辛亥催各省逋課

前南京吏部尚書張潤卒潤臨汾人弘治壬戌進士

贈太子少保謚恭肅

壬子存問唐府鄆城王彌銀年八十有賢行

奪戶部尚書孫應奎俸二月即中汪宗凱削籍坐信奸商奏

開水鄉鹽引也

松江各賊期黃浦出海會大風雨覆焉復登岍分據周浦下

沙新塲川沙陳東蕭顯徐海分據柘林作犄角襲南匯所哨

官李府戰死決旬把總晏字練壯勇伺賊零劫剽殺之賊遂

畏晏字兵

四 癸丑朔河間知府尹耕為河南兵備僉事仍四品服俸轄民

兵耕自知州起廢數月遷兵部員外郎出守給事中李

幼滋劾之至是吏部希嚴氏稱其知兵創用給事中張萬紀

歷數其婪狡不法且四品改五品有乖選法 上怒逮耕鞫

問以嵩故竟無重譴

乙卯諭兵部促仇鸞決戰鸞始出師屯兵三十二萬騎十八萬鸞誇虜強盛意脅和徒藉兵為威重殊無意行也鸞恨嚴嵩而悔之其所詆譏嵩上亦心動宣召略稀錦衣衛右都督陸炳與鸞爭寵妬嵩乃厚收炳伺鸞、出鎮川堡至貓兒庄伏虜起溝中喪卒二十八人傷二百十二人共馬二百餘匹僅斬虜五級

丁巳倭五百餘人步自上海偏松江東門癸亥倭續至八百人

乙亥賜仇鸞金幣以鎮川堡之役兵部難之上以吏卒暴露稍錄之

丙子海盜自舟山象山登陸涿劫台溫寧紹攻臨城寨殺掠七筭先是海盜番人多倭少歛人王直任俠好施與既身販暹羅日本諸國從渠帥許棟司出納漸行貨於倭引其人至直又計殺別部陳思聰自是海盜俱受直節制凡中國之覬民罷吏衣冠亡行生糴而附之招徐汝陳東葉明辛五郎為將領揚言宣力本朝指所殘破云某島魁也以殺思聰功叩關告捷求通市勿許乃引倭據定海之烈港並海都縣交聳

攻游仙寨殺百戶秦彪已寇温州破黃巖巡按御史林應箕
告急遂議復巡撫都御史提督浙福各設叅將領戍

庚辰臨安沅江地震有聲

五朔午朔臨安地復震

倭七百餘人薄松江城礮中二酋死土兵斃一酋賊退入白

龍潭寺沃劫時巢柘林分趨太倉崑山

戒諭邊臣

癸未增兩淮浙江巡鹽都御史

甲申韓士英為戶部尚書戶部尚書孫應奎調南京工部尚

書屠楷為南京兵部尚書罷大同巡撫於教

停宣大選兵入衛召仇鸞還京鸞不自安乞休不允鸞在鎮

驛騷與家卒爭妓守備沙潮不堪命自刎

乙酉順天府尹王紳為右僉都御史清理淮浙鹽法

己丑山西兵備副使侯越為右副都御史巡撫大同

壬辰久旱命順天尹禱雨百官脩省三日

福建盜李文彪等寇南安提督軍務右副都御史張烜遣兵

禦之於

庚子玉山王厚燬薨謚恭安

辛丑夜月犯土星
壬寅後陷黃巖殺署縣知事武暉七日而遁

癸卯雲南地震

丙午大雨百官表賀

虜八百騎圍陝西紅城子堡尋退

脩直春宮

戊申復許讚少傅兼太子太傅吏部尚書文淵閣大學士

南京工部尚書潘潢改南京吏部尚書

六朔丑仇鸞請調京兵守宣大薊州各三千人報罷 上疑鸞

權重稍裁之鸞惜不知惧

己未免淮安鳳陽水災夏稅

工部主事胡朝臣謫外督造軍器冒破時陞通政司 奏議

戊辰勅楚王英煥約束宗室

庚午核王府侵占里甲庄田之稅即充歲祿

甲戌城順義縣

乙亥給宣大馬各千匹

丙子罷戶部尚書韓士英時未至被劾

丁丑宮人王氏薨追封麗妃謚恭僖

禮科給事中袁洪愈劾翰林檢討梁紹儒交通權要吏部文選郎中白璧招權鬻爵至姑婦爭攫金錢俱宜斥并及尚書萬鏜貪老右侍郎葛守禮督餉大宣刻削上切責鏜守禮令對狀下壁鎮撫司削籍紹儒免紹儒父事嚴嵩不能庇則上性嚴馭也

仇鸞奏四出塞斬級八十賞吏卒有差

己卯雷州大雷雨火毬見天中星散海溢大壞田廬人畜庚辰南京刑部右侍郎鄭漳劾罷

仇鸞請調遼東因原甘肅寧夏兵各三千人許之

倭陷鄆衛城

七 癸未詔開例軍民納馬

河朔兵至盧鏜擊川沙倭中伏敗

俺荅由楚抵墩犯宣府叅將史略禦之寇預伏略方依崗為陣胡騎衝突火器猝不及發又佯却官軍前追數里伏發截官軍為二略與守備任鎮死之士卒死傷過半

丁亥申明南京內監薦新格式

戊子增太僕寺寺丞一

免山東班匠徵金解京

庚寅右春坊右中允兼翰林院脩撰尹臺郭鑿主試應天
辛卯萬全都司地震有聲

壬辰戶部右侍郎馮坤為左侍郎順天府尹盧紳為戶部右
侍郎大理寺左少卿倪薦為右僉都御史

癸巳浙江參政曹汴赴任踰期劾免

乙未夜月食

免平涼鳳翔延安傷夏稅

戊戌命兵部侍郎張時徹工部侍郎吳鵬從大將軍蓋仇鸞

請之一主調遣一主器械

庚子司經局洗馬黃廷用被劾改南京兵部車駕員外郎

壬寅巡撫山東右僉都御史王忬改提督軍務巡視浙江兼

福興漳泉許便且從事并設浙直叅將以瓊崖叅將署都指

揮僉事俞大猷為溫台寧紹叅將中都留守司指揮僉事湯

克寬為福興漳泉叅將

禮部尚書東閣大學士徐階請二王講學詔擇吉行

滿府定陶王銓繼薨諡恭靖

癸卯南京右都御史端廷赦卒廷赦甯塗人正德辛巳進士

夜月犯畢宿大星

丙午增貴州宣慰司儒學廩額四十人

己酉起張珩右副都御史巡撫延綏前成邊山東左布政使

沈應龍為右副都御史巡撫山東

八 癸丑唐府邸城王璠銀甍恭端

甲寅鄭府廬江王祐楊獻瑞穀告廟受賀

虜俺荅把都兒打來孫等聚薊州近邊謀犯喜峰古北口仇

驚疾命諸路兵聞警即入無俟徵調協理戎政侍郎蔣應奎

申飭守備

丁巳左春坊左庶子兼翰林院侍讀郭朴脩撰秦鳴雷主試

順天

戊午少林僧兵應募至擊柘林倭以鉄棍斃賊一賊佯死反

刃刃之僧兵潰

己未收大將軍仇鸞勅印侍郎蔣應奎署京營游擊將軍時

陳為都督僉事戶部左侍郎孫禴改兵部左侍郎兼右僉都

御史俱提督軍務時鸞疽甚求輿疾出師免陞辭不許會宣

薊警日至兵部尚書趙錦以印在大將所諸偏裨令不行自

請假大將軍出禦。上謂本兵不外詔，驚納勅印錦，即夜至。驚第收印綬，徐階言驚疾未愈，乞早賜斷處。

辛酉慶府宜寧王萬樺薨，謚安惠。

壬戌乾光殿成。

咸寧侯仇鸞死，鸞聞收印綬，恚憤疽益劇。先是見夏言、曾銑

斧其後，俄疽孽。

甲子翰林編修高拱檢討陳以勤直。

裕王講國子助教尹

樂舜、鄭守德改翰林，待詔侍讀中書舍人吳昂、吳應鳳侍書。

檢討孫世芳、林燠直，景王講助教潘靜深、邢臺教諭李秀改。

待詔侍讀中書舍人叢愨、吳自成侍書。

乙丑江西試院火。

己巳裕王景王出閣講學。

壬申南京大理寺卿余胤緒為戶部右侍郎，總督倉場督理。

西苑農事胤緒時入賀，當謝不至，落職。

乙亥追僂仇鸞於市，籍其家。初大學士徐階密跡鸞通虜，悞

國而錦衣衛右都督陸炳早刺鸞陰事，備悉之。鸞死，怵其義

子錦衣指揮時義侯榮姚江逃之虜，而道執之，乃發鸞先鎮

大同賂虜，遺矢彘約不犯。今事發，亡命勾虜。上怒，廷鞠。

當謀反律梟鸞其妻子及時義侯榮姬江皆斬女妻給功臣
家餘黨戍邊下制暴其罪鸞少讀書能文頗有勇略然貪疾
險狠累鎮兩廣甘肅輒訐督撫庚戌自大同入援最寵信因
縱恣取禍其坐謀反非實也鸞剖棺與丁汝夔楊守謙同月
日人謂其報不爽

徐學謨曰國史紀鸞始末時不聞徐階言之或有之而外
朝不知耳鸞先於嚴嵩合陷夏言曾銑其交甚固權勢相
軋寢不相得鸞遂密跡嵩行事為上所信不宣之入直
嵩見徐階李本入西內即同往至西華門者以無旨不

納嵩還第對泣仍卑詞乞階為解陸炳從中調停乘鸞死
已先為殛鸞地或愆忠階上書以實其罪於是鸞族而
上益信嵩無他一日遣所御龍舟迎嵩於閣西渡得入直
如初而嚴氏之勢愈熾不可向邇矣
高岱曰仇鸞以庸暴之資叨非常之寵禦寇則束手無策
亂政則矯劫橫生皇工初以專任責成之心望其有委
身報主之績而不虞其負國之至此也蓋自其擢策無功
而歸聖心已不能無疑矣然猶惟其言而莫之違者亦駕
馭之冀一獲之報耳使少延旦夕之命必不免生赴市曹

矣當時或疑鸞反予曰鸞不反即反無足憂撲滅之孤豚
腐鼠耳古奸臣反逆者其始皆憑恃寵靈建大功以懾大
心乃可劫人之心鸞總諸路之兵握專閫之柄而不能少
過孤軍深入之虜此其人豈能反哉其跋扈而不可駕邇
者不過竊一時之權以肆其毒耳嗚呼鸞不足責矣使國
家有任事之臣朝廷何至委大權於狂豎子哉國家養士
二百年而緩急一無所恃乃使奸宄之徒得以亂國干紀
群臣何得辭其責也
談遷曰鸞在時凡推舉將才輒首之究其用澤中之麋耳

不知何以被此虛聲也驕子亡狀啼嬉俱作噉人態鸞真
其類也由蔽氏蘊崇之不戢將自焚焉藉通虜夷滅之鸞
京邸故石亨所也再得貴將再赤族古人所云凶宅信乎
大同軍五百人出塞二日搗虜斬八級被追轉戰二百里失
二百人把總劉欽旗牌官范世傑死之
丙子福建叅將湯克寬請募徐邛盜為兵許之
戎寅免兖州東昌水災田租
豐城侯李熙總督京營戎政
己卯虜二萬騎餘寇大同平虜衛分兵深入朔應山陰馬邑

攻夷村堡殺掠數千人自盤道口欲犯閩南不克

九月庚辰朔虜自紅土墩出塞是日又虜三萬騎自弘賜堡入掠

左右衛及安東十七衛大同懷仁二縣

壬午虜自鎮川堡北遯又萬騎自威遠胡威等堡犯平虜仍

散掠朔州馬邑山陰

朔州馬邑地震

前大理寺卿葛浩卒浩上虞人弘治丙辰進士令蕪湖拜南

御史劾逆瑾除名起守邵武居官直節顯家居讀書內行甚

脩時論許之

丙午免平陽旱災夏稅賑淮安鳳陽揚徐水災

戊申虜數萬騎犯神池利民等堡山西總兵李汝禦卻之斬

二十二級

十月子工部虞衡署員外郎樓鎮作景王邸於德安

工部右侍郎吳鵬改刑部右侍郎

癸丑禮部尚書歐陽德入朝大學士徐階解部事

六夫大綸曰嚴嵩柔奸變幻簸弄一世而華亭外託恭謹中

實深刻嵩引以同升而不虞墮其術中也

寧夏地震有聲

丁巳倭又攻青村所指揮徐承宗千戶葉緒出擊之中伏失
亡二百人

戊午兵部右侍郎張時徹為左侍郎起楊博為兵部右侍郎
右副都御史王學益為刑部右侍郎

南京廣東道試監察御史吳山王宗茂劾嚴嵩貪贖數十事
事皆有實并論吏部考功郎中萬采附權納賄上怒其恣

肆請平陽縣丞夏去壬戌卒隆慶初贈光祿寺少卿

己未兵部尚書趙錦成極邊光祿寺卿董懋中編管塞上前
錦撫大同懋中為職方郎中皆附仇鸞給事中郭錡追論之

按錦諳邊事本兵時多失驚意坐黨禍頗冤錦懋中少年練
典故庚戌後邊事倥傯口占題覆日數十上敏決如涿
起翁萬達兵部尚書

遼陽地震有聲

庚申以東一真人陶仲文陰兵懾虜加歲祿百石廕子入太
學

壬戌免南昌臨江吉安瑞袁撫贛南安旱災田租免大名保
定河間順德廣平水災田租
甲子裁太僕寺添設寺丞

選二王婚

丁卯防秋畢命提督侍郎孫禴還朝罷守邊卒量地遠近戍之

夜月犯井宿

己巳虜小王子打來孫等數萬騎寇遼東錦州殺掠千餘人總兵趙國忠樂卻之斬四十七級各堡壯士斬八級獲馬二百二十匹戰傷三百三十餘人

庚午巡撫遼東都御史許宗魯漕運總兵官郭琮並劾免辛未兩廣總兵官鎮遠侯顧寰移提督漕運鎮守淮安

癸酉山西左布政使江東為右副都御史巡撫遼東

岷王譽榮薨謚康王

定西侯蔣傅總兵鎮守兩廣

甲戌兩京停刑

戊寅兵部左侍郎張時徹請釋商大節奪俸

十月己卯朔 裕王 景王妃入宮

辛巳周府封丘王安湜薨謚端惠

壬午巡撫四川都御史戴鰲劾免

癸未提督軍務兵部左侍郎孫禴仍改戶部左侍郎總督倉

塲督理西苑農事

復楊繼盛兵部武選員外郎繼盛以狄道典史遷諸城知縣
甲申禮部奏累朝親王婚禮洪武間以父婚子皆行禮禁中
將之國而後出外府弘治宣德間以兄婚弟移出外府既成
婚而後之國今二王婚禮似當從六皇祖之制行於禁中得
旨行禮外府

庚寅陝西左布政使張臬為右副都御史巡撫四川

癸巳前兵部尚書翁萬達卒未及聞命萬達揭陽人嘉靖丙
戌進士授戶部主事歷守梧州時討安南資其畫擢副使右

叅政累進兵部右侍郎總督宣大屢破虜入本兵夏去庚戌
奔情上遲其至貶右侍郎尋免歸蓋強執忤嚴嵩媒孽之
然邊臣諳機宜言中肯竅首萬達矣年五十五隆慶初贈太
子少保謚襄敏

霍尚守曰葉化甫夢熊為予言邊閫重臣往、擁兵自衛
謀報虜至惟武弁赴敵勝輒據功敗輒掩罪甚且縱虜出
入掩敗為功上下相遁曾有躬出禦虜介而先驅者襄敏
者耶予觀公安邊之術大都有十選將校撫士卒固險要
飭守備廣序畜明賞罰嚴詰邊謹使謀獎豪俊急救援經

畫布置詳密周悉豈非折衝之宏謀保障之長策哉

王錫爵曰世宗朝邊臣行事適機宜建言中肯竅屢

王錫爵曰十七行刊本缺相待朝馳符而夕登壇其遇合亦

且才右庸在後忽一失闕說錯莫竟死將所謂木強將朽

天道固然耶而世或傳侯鸞時嘗構公刺梧時嘗法治

鸞橫率十餘曹以此得報察其本不然予嘗脩世廟實錄

方鸞自大同入典兵舞手作氣勢勳輔大臣無所不狎侮

然未嘗一言敢侵公來而上與嘗論對語歷具掌

故使嵩一言能為公道南海所由來及病疽狀則爽然解

矣鷓鴣咏虎吻摧墮長城乃以責賈豎兒子悞哉

何喬遠曰宣大總督設自嘉靖二十年以前其時尚有督

餉贊畫等官佐之後皆罷設萬達在官並無藩臬郡縣可

與發謀在左右者獨候人介胄吏胥供騰寫而已諸屑瑟

瑣碎旁午煎迫萬達皆精神及之嘗欲舉知名士二人贊

畫度上意又不敢二公者其一為程其一唐順之順

之夫人皆知之萬達言程談說時事如倒囊出物心靈敏

健遇事一思便徹終始家居束修無少瑕玷論者以方郭

泰徐稱云

畫布置詳密周悉豈非折衝之宏謀保障之長策哉

王錫爵曰世宗朝邊臣行事適機宜建言中肯竅屢、
推公當時天子虛心相待朝馳符而夕登壇其遇合亦
且不在周召後然一夫闕說錯莫竟死將所謂木強將朽
天道固然耶而世或傳侯鸞時嘗構公、刺梧時嘗法治
鸞橫卒十餘曹以此得報察其本不然予嘗脩世廟實錄
方鸞自大同入典兵舞手作氣勢勲輔大臣無所不狎侮
然未嘗一言敢侵公、來而上與嘗論對語歷、具掌
故使嵩一言能為公道南海所由來及病疽狀則爽然解

矣鷓鴣虎吻摧墮長城乃以責賈豎兒子悞哉

何喬遠曰宣大總督設自嘉靖二十年以前其時尚有督
餉贊畫等官佐之後皆罷設萬達在官並無簿臬郡縣可
與發謀在左右者獨候人介胄吏胥供騰寫而已諸屑瑟
瑣碎旁午煎迫萬達皆精神及之嘗欲舉知名士二人贊
畫度上意又不敢二公者其一為程其一唐順之順
之夫人皆知之萬達言程談說時事如倒囊出物心靈敏
健遇事一思便徹終始家居東修無少瑕玷論者以方郭

泰徐釋云

乙未核宣大兵餉

丁酉夜月犯鬼宿

乙亥大理寺卿郭鑿為工部右侍郎

銅仁叅將署指揮僉事石邦憲為署都督僉事總兵鎮守貴

州

辛丑總繫湖廣川貴兵部右侍郎張岳奏擒銅仁叛首吳黑

苗黑苗以捕急深自匿岳故緩其令盡釋其親黨密檄土官

索之至是土官某襲斬之驗實岳報用兵事竣

高岱曰諸苗蕞爾之地耳罄三省之力討之十餘年不克

底寧者豈其用兵之難果如是哉非苗之難克衆議之難

協而事權之難定也萬鐘始集諸路兵亦稍有斬獲乃見

犒賞之惠足以賈諸蠻一時之安即謂可保亡虞輒班師

去何厭兵之過也張岳力主用兵不惑撫守之說而陰沮

旁撓因循不決歷三年始收一戰之功其初不免屢有敗

衄者亦其乏素定之謀而地利之未諳耳然岳於人臣任

事之忠可庶幾焉但庚戌於二月跡報全捷謂已除掃窟

穴首惡就擒而辛亥二月賊復出破思州談何容易哉其

後必欲得吳黑苗而後罷兵者豈亦有懲於前與則知狄

青不輕信儂智高之死有見哉固後世事君者所當法也
免大同電災田租
增南京浦子口邏卒
總兵湯克寬敗於朱涇初相持自邠至商克寬以謁直指離
所部遂大潰

十二月己酉朔選民女三百人入宮

壬子泰寧侯陳瑄卒

總理河道右副都御史魯鈞言治河方略䟽築兩用但施之
直隨地以宜耳臣按視房村宜疎濬徐州高廟抵邳州沂河

宜護隄役五萬六千人度二月罷費十一萬三千有奇從之

癸丑夜倭乘雪襲陷青村所

甲寅朝鮮國王李峘言國初賜樂器敝壞求律管仍遣樂官
赴京習之報可

乙卯廣東化州地震大桂山有聲如雷

丁巳鄭府廬江王祐棉攝府事厚院既廢祐棉從叔也

內官監太監杜泰提督光祿寺貪甚乾沒巨萬光祿少卿馬
從謙劾其罪泰亦誣從謙誹謗不忠狀巡視科給事中孫
允中御史狄斯彬劾泰如從謙言且劾寺卿高耀失核命下

從謙泰鎮撫司獻工允中彬謫下吏從謙杖八十遠戍泰免
從謙卒杖下
戊午巡撫陝西都御史張鎬失事劾免
工科右給事中李用敬奏開膠萊新河曰膠萊間新河在海
運舊道之西元人開之避海島之險未竣功先是山東巡海
副使王獻按元遺跡鑿馬家濠以通淮安商販立新閘一蓄
泄導張魯白現諸河今淮船由淮河直抵麻灣即新河南口
也海倉抵天津即新河北口也南北僅三百三十餘里各通
潮其淤量濬可百有五里深濬三十餘里元人任其二今當

任其一乞選才臣亟為脩舉部覆從之

徐學謨曰膠河之議起於王獻、子道直庚戌進士與同

年閩人何廷鈺言之後廷鈺為御史襲獻言同李用敬奏

行之竟亡效廷鈺因敗官所謂元人已開其二以其功之

可用也而未開其一必以阻梗踈鑿難施耳不然以勝國

民力之饒豈不能收其全績而有俟於今日之任其一哉

漢人有言有非常之人而後有非常之功延至萬曆間尚

有妄意成功者何怪其紛、也

壬戌南京大理寺卿盧勳為大理寺卿

丁卯夜月犯木星

戊辰封萬枋慶王載堡懷慶王載塔成平王翊鑿龍陽王定
燿南漳王定燦祈陽王厚燧南康王新堽永和王充炮進賢
王廷規河內王勤綏臨湍王安洵臨汝王睦楫上洛王勤燭
汾西王
己巳禱雪

癸酉果雪廷臣表賀

庚午李璣服闋補左中允兼脩撰

癸酉前南京太常寺卿王夢弼為右僉都御史巡撫寧夏

甲戌山西民兵戍京者三千人遣還鎮

丁丑錦衣衛帶俸指揮僉事趙汝成乞脩居第以千戶時給

價例不再著為令

上海縣地震生白毛高橋鎮民家雞作人言曰燒香望和尚

一事兩勾當明年倭禱羊山登岸劫殺

癸丑嘉靖三十二年

正月朔日食適陰雲有頃大雪明日表賀

揀選京營兵豐城侯李熙論京營四事其班軍折糧不允

刑部左侍郎吳鵬賑徐邳等汴民金發粟麥四萬石蓋價五萬

疏黃河下涿增築高家堰長隄及新莊等閘

庚辰逮禮科都給事中楊思忠杖之百削籍餘給事中各奪
月俸先議孝烈皇后不當祔廟上惡之至是正旦賀表
首署名摘其句玄禧申錫詰責之

丁亥山東按察副使趙時春為右僉都御史提督鴈門三關
巡撫山西

己丑漕艘阻於新安口戶部行各省量減折漕糧三之一

庚寅吏部大計降斥有差

壬辰嚴嵩等請及春婚二王從之擇二月嵩又言府第淺狹

在親王則可今日事體不同俱婚禁中便上謂其操於外

議命舉冊立事嵩言此舉實天下臣民所久望今迫婚期其

冊立候行之上答曰出府不可害及二王害及朕卿等明

言對曰儲貳名分未正而又外居雖應得者亦有危疑府第

連隔一垣從者衆情各為主易生嫌疑在二王不可不慮

先朝上有太后有中宮東宮體勢增重主上尊安今列

后不在至親惟在二王乃俱外之在聖躬不可不慮上

謂皆不足恤人無能勝天者二子依分毋再瀆

癸巳夜月食

丙申脩復延安慶陽城堡斥堠

丁酉雲南巡撫右副都御史鮑尚賢集兵七萬討沅江叛酋
那鑑那鑑寤自殺諭降其黨戕職官者伏誅宥鑑子恕立那
從仁暫統其衆

己亥禮部上二王婚儀注言會典戒詞有二其曰往迎尔相
承我宗事為承宗者也曰往迎尔相用承厥家為承家者也
今留京所以承宗封國所以承家戒命之詞伏俟裁定廟見
古以三月後日以三日蓋先告祖考而親迎合卺成其為妻
明日夫率以見舅姑又明日盥饋成其為婦又明日率以見

祖考先後之序如此累朝率與合卺同日成化中東宮納妃
始改從右宜以改定者為正朝見盥饋先朝有太皇太后有
皇太后有中宮儀文各異今二王率妃詣上前行禮又各母
妃行禮以章婦順會典東宮不回門親王回門然未有定期
今宜待之國前一月擇日行餘如舊上覽之不悅曰既云
王則遵制何不同之有第速降勅冊立太子分別成婚任尔
等為之勿以煩朕於是禮部遂擇日具儀以請上問嚴嵩
對所司豈敢不尊前奉聖諭俟明命處分上乃詔部臣曰
其遵朕初諭

庚子兵部武選員外郎楊繼盛劾大學士嚴嵩無丞相之名
有丞相之權各官陞遷未及謝恩而先謝嵩壞祖宗之成法
一罪也嵩票本竊威福皇上用一人曰我薦之宥一人曰
我救之及罰一人曰此得罪於我故報之竊皇上之大權
三罪也皇上行政之善令子世蕃傳曰皇上無此意我議
而成之刊嘉靖疏議欲天下後世善盡已出掩皇上之治
功三罪也嵩票本子世蕃及諸義子趙文華等群會機密漏
泄縱奸子之僭竊四罪也長孫嚴効忠冒兩廣功陞所鎮撫
又冒瓊州手斬七級功次孫嚴鶴加錦衣衛千戶効忠鶴皆

世蕃養子冒朝廷之軍功五罪也受仇鸞三千金逼兵部
薦大將及鸞勢出嵩上姑設異同泯其跡引背逆之奸臣六
罪也令丁汝夔不戰汝夔臨刑始知見詔誤國家之軍機七
罪也刑部郎中徐學詩劾嵩削籍考京察片學詩兄中書舍
人徐應豐荷聖明留用戶科都給事中厲汝進劾嵩降典史
外察罷斥專黜陟之大柄八罪也文武官陞遷不論賢否惟
論賄多寡將官有司既納賄不得不剝軍虐民失天下之人
心九罪也諂諛欺君貪污率下通賄慝慝者貪如盜跖而亦
薦疎拙者廉如夷齊而亦斥守法度者為固滯巧彌縫者為

有才勵廉介者為矯激善奔走者為練事壞天下之風俗十
罪也嵩大罪十此皇上若不知者何哉先用重賄結嵩皇上
之左右其奸一義子趙文華為通政使凡副本送嵩世蕃先
閱後進跡少有干涉即為彌縫其奸二畏厥衛緝訪籠絡結
姻其奸三考選科道非通賄不與列又擇熟軟員融者補科
道無所建白即陞京堂方面其奸四令世蕃羅部屬有才望
者凡事先報得預布置各官少異議早為斥逐其奸五嵩之
罪賴此奸彌縫之奸一破則罪立見矣望皇上察嵩之奸
群臣畏威因不必問或召問二王令其面陳嵩惡賊嵩去胡

虜不足平也

上怒摘引二王果何謂下鎮撫司坐詐傳親

王令旨律論死杖之百

談遷曰後先論嚴氏者雖多謹直其盡狀破的無喻忠愍
矣末引二王為詞彼少長宮禁詎能悉嚴氏哉草奏時胸
臆衝涌筆不停思而法吏阿色深文鍛入誠寧員陛下
不敢忤權臣也

辛丑增淮鹽三分之一初中鹽正引一餘引二各二百八十
五斤正鹽開邊南京給引餘鹽輸金運司給票定淮南五錢
五分淮北五錢歲課共百十萬餘金至是定引鹽五百五十

斤淮南七錢淮北五錢商販不復赴邊坐失飛輓益法益壅
湖廣軍器一年繕造二年徵金

癸卯協理京營戎政兵部左侍郎聶豹為兵部尚書整飭薊
州兵備副使劉燾終制前奪情起家

乙巳命吏部左侍郎程文德知貢舉時禮部左侍郎孫陞遣
祀承天右侍郎閔如霖治二王婚禮

提督湖廣川貴兵部右侍郎兼右僉都御史張岳卒岳字惟
喬惠安人正德丁丑進士授行人諫南巡廷杖改南監學正

工即位復行人歷禮部郎中廣東提學僉事謫廣東提舉
知蕪州歷撫鄖陽江西進督兩廣屢破賊巢改今官平銅仁

叛苗復右都御史贈太子少保謚襄惠
二月 癸丑 巡撫山西兵部右侍郎許論協理京營戎政

甲寅少保大學士徐階侍講學士教銑王禮闈
乙卯 裕王 醮戒文華殿親迎妃李氏出就邸

丙辰翰林編修瞿景淳為侍讀
丁巳羅田縣省祭陳緯進白兔

戊午 景王 醮戒文華殿親迎妃王氏出就邸
巡撫湖廣右副都御史屠大山為兵部右侍郎兼右僉都御

史總督湖廣川貴軍務山東按察副使趙時春為右僉都御
史巡撫山東

太子少保禮部尚書署詹事府事孫承恩致仕承恩京邸與
徐階同巷階多交游承恩惟閉門深卧嘗布袍負暄讀書僕
私語他家如市我第中鬼寂也承恩曰任尔輩他往我獨在
此聽鬼負去

壬戌命工部右侍郎陸杰作太和山玄像立坊曰治世玄岳
癸亥奉先聖先師神位於文華殿左室向祀文華殿十六年
移永明殿後

三月丑朔陝西大饑賑之

戊寅倭三十六人登青村所焦墩百戶王河禦之鋒未交即

清河被殺寇銳甚莫敢拒月餘往金山衛至乍浦過浙兵擒
剿之

辛巳山東右叅政王輪為右僉都御史駐守昌平

虜犯延綏副總兵李海敗沒

壬午吏部左侍郎兼翰林學士程文德署詹事府事兵部右
侍郎楊博兼右僉都御史巡邊

甲申山東饑賑之

南京兵部尚書屠楷致仕

後府平江伯陳圭總督京營戎政

乙酉倭二百餘人自金山犯海鹽去之

丁亥靈寶縣礦盜伏誅

巡按雲貴監察御史趙錦上言正旦日食陰盛陽微之象嚴

嵩以奸佞之雄怙恩寵以張其威權假刑賞以行其愛憎百

官懾息諸司望風陛下乾綱獨運自以為予奪悉由於宸

斷題覆則在於諸司閣臣雖參謀議不過稟擬取裁不知諸

司則先受風旨矣群臣敢怒而不敢言陛下何由而知之

嵩引植私人布列要地以探諸臣之動靜先發制之故少敗

露厚賂左右陛下起居意向無不先得故多稱旨或俟聖

意所發以成其私或因事機所會以肆其毒幸而洞察於聖

明則諸司代嵩受其罰不幸而遂傳於後世則陛下代嵩

受其咎上以欺誘逮下鎮撫司杖四十削籍

己丑周府瑞淦王勤煥薨

辛卯策貢士曹大章等四百_五人賜陳謹等進士及第出身有

差

壬辰成國公朱希忠署後府

癸巳賜故大學士楊士奇祠春秋致祭

壬寅禮部左侍郎孫陞改吏部左侍郎兵部右侍郎楊博為兵部左侍郎巡撫陝西右副都御史賈應春為兵部右侍郎癸卯吏部尚書萬鏜滿九年考進太子少保鏜才庸更通賄雖嚴嵩引之心輕焉故加銜徑、非故事也

甲辰虜數萬犯宣府入青邊口游擊孫邦丁碧戰卻之已尋入深井堡殺副總兵郭都督千戶王國血戰士卒半死不為懾力盡死之遂犯大同都遼人

丙午兵科給事中朱伯辰請築京師外城從之命戎政平江

伯陳圭侍郎許論錦衣右都督陸炳相度

閏三月己酉太子太保兵部尚書總督陝西軍務王以旂卒以旂

字士招江寧人正德辛未進士令上高拜御史歷兵部右侍郎總鎮六載安靜不擾繕障塞布誠信俘斬虜千計及卒邊人罷市贈少保謚襄敏塞定邊瓦植梁二十餘里收屬番三千四百五十四人置之嘉峪關外性寬博有遠識敏信而慎毋論居官其居鄉亦推長者

壬子吏部請主事等官改選科道以啟兢不許

癸丑禮部右侍郎閔如霖為左侍郎太常寺卿署國子祭酒

吳山為禮部右侍郎

河南左布政使謝九儀為右副都御史巡撫陝西

丁巳兵部右侍郎賈應春兼右僉都御史總督陝西三邊軍務

前福建巡海副使柯喬坐擅斬海盜削籍

辛酉戒諭韓王融燧奪將軍旭桐等爵幽鳳陽初諸宗室訐韓王招集亡命圖不軌王亦摘宗諸室兇淫不法

總理河道右副都御史魯鈞言黃河為患議者謂海口沙淤所致臣按視販舟往來無滯傳聞不足信明甚且黃河西來

百餘里滙合百川古跡九河以殺猶莫支今合派出徐州抵清河合淮趨海勢壯於無所分派故愈益衝潰為徐邳樵遷頻年之患更宜多穿支渠於開封等上派令隨便灌入分殺水怒度可為永利下撫按議之

甲子衡府新樂王厚熹薨

乙丑大道殿成

作京師外城

總督戎政平江伯陳圭錦衣衛少保左都督陸炳戎政侍郎許論工部左侍郎陶尚德內官監右少監郭暉提督工程錦

衣衛都指揮僉事劉鯨都指揮使朱希孝監之
巡撫江西右副都御史翁溥為兵部右侍郎
翰林侍講學士教誥為太常寺卿署國子祭酒

辛未寧夏地震

壬申羅源縣地震有聲如雷

甲戌海盜王直糾倭連舟百餘犯浙直濱海郡縣蕭顯自浙

登松江甯山恣掠

乙亥陷昌國衛五日叅將俞大猷攻走之尹鳳以閩兵邀於

北茆洋擊斬八百級

四月丙子朔久旱禱雨內殿

倭二百餘人焚海鹽南門知縣莆田鄭茂拒之五日乃解

丁丑裁巡鹽屯牧營田及駐守昌平都御史

戊寅增古北口叅將

己卯江西左布政使蔡雲程為右副都御史巡撫江西

左春坊左庶子郭朴兼翰林侍講署院

忻崞定襄地震聲如雷

壬午山東江北饑盜平

癸未寧夏地震有聲

乙酉杭州衛指揮陳善道吳懋宣擊倭於赭山敗死又陷昌國衛殺百戶陳表觀海衛指揮張羅

追之崎頭洋斬五十級參將俞大猷搗倭巢於烈港不利倭亦再遁

丙戌浙江舟師破賊於松門港

戊子五軍營副將署都督僉事劉大章為總兵官鎮守宣府

倭攻太倉不克有失舟倭四十人突至平湖乍浦所掠海鹽

海寧敗官兵殺把總馬呈圖指揮采煉滿朝踰旬遁

庚寅太白晝見

壬辰王正國殷正茂謝江為給事中李邦珍李一經曹光李

守仁詹理何廷鈺為試御史

癸巳倭破上海初松江通判劉本學以五百人戰十九保連

賓華橋大敗死傷甚衆上海知縣俞顯卿遁掠於市去而復

至

甲午宮人王氏薨謚莊昭

丁酉倭破吳淞南匯所城分掠江陰

南京吏部尚書潘潢改南京兵部尚書

己亥作宜春宮

魯府樂陵王健概薨

庚子倭掠海州時乘風揚帆倏忽千里莫測其向

辛丑前太子少保兵部尚書史道卒道涿人正德甲戌進士
壬寅倭破臨山衛乘勝西犯松陽知縣羅拱辰督民兵禦之
賊浮海走叅將俞大猷邀擊斬六十九級

甘州左副總兵姜應熊為總兵官鎮守寧夏

甲辰倭破福寧之巖與所

松江倭出海

五月未選翰林院庶吉士萬浩姚弘謨李貴呂旻郭敬賢梁夢
龍王希烈南軒姜賢王學顏趙祖鵬顧汝嘉馮葉孫應鰲孫
鏡徐師曾張四維方萬有蔣煇李裝張九功吳可行陸泰馬

自強張巽言王文炳晁東吳王詠署詹事府吏部左侍郎兼
翰林學士程文德教習

己酉倭圍海鹽不克

壬子松江兵值倭高昌渡失利未幾倭千餘從太平寺入市
市人潰大掠趨焚漕艘

癸丑倭復破上海

甲寅又倭百餘人掠海鹽海寧

丙辰總督倉場戶部左侍郎孫禴疾去

丁巳倭復約海上周浦兩道寇松江鎮海衛指揮武尚文建

平縣丞宋鰲調至戰敗死邑里為墟
庚申總督宣大侍郎蘓祐言先年擺邊非策守鎮兵不過七
八萬邊千餘里一分七八十人豈足守禦虜聚而多我分而
寡勢自不支虜既入邊我兵反後故守邊不若守堡分地駐
防亦制虜一策兵部以成業惜其舉而棄之宜量撥軍夜巡
瞭從之

壬戌倭陷乍浦所知縣羅拱辰來援倭深劫奉化寧海叅將
湯克寬追敗之獨山賊半藝死餘遁於海
起王用賓楊行中吏部左侍郎行中總督倉場督理西苑農

事

虜五百餘騎犯遼東上榆林堡副總兵岳懋禦卻之追至小
長山斬四十七級

癸亥增金山叅將

庚午復江淮副總兵提督海防移福興漳泉叅將湯克寬為
之駐金山衛

壬申倭復至上海鎮撫吳賢戰于上海之黃泥浜自後浦東
沿海二百里新舊倭無虛日延及蘓州太倉吳淞千戶所金
山衛

辛未夜倭復破上海

六月己定王府庶人口糧歲七十石妻子預焉檀婚者五十石

傳生者二十五石

虜犯宣府西路新開口堡叅將史祿死之贈右府左都督廢
指揮僉事時虜氛甚熾孕顏諸夷挾之索賞邏卒出塞輒縛
之取贖諸將偷旦夕幸釀軍資賄之巡按御史蔡揚金白其

狀

壬午總督漕運兼巡撫鳳陽右副都御史連鑛匿饑盜不以
聞調外

七月己朔右僉都御史倪嵩為左副都御史

虜倣京師九門列營戶部左侍郎馬坤治餉時陳分屯昌平

順義懷柔陳去屯郭門徵山西老營堡游擊劉承惠赴良鄉

戊申晉府奉國將軍表榷越關廢為庶人詔嚴其禁先奪爵

而勘之

丁巳大理寺卿盧勳為南京刑部右侍郎大理寺左少卿馮

天馭為右僉都御史

南贛巡撫都御史張烜提督操江都御史蔡克廉各劾免

虜俺答把都兒等寇大同自弘賜堡犯渾源下靈丘廣昌

庚申宮人褚氏薨追封晏妃
虜入紫荆關浮圖峪突犯山西總兵李深等屯廣昌戰於永
安堡相持數日大同總兵吳漢軍黃土溝宣大總兵劉大章
軍黑石嶺各觀望不進深遂敗績虜徧掠蔚應渾源靈立至
磁窑口為伏砲所中

癸亥旌魯王順坦賢孝王事端王病當藥請代喪葬遵禮捐
田湖以賑貧民

甲子撫治鄖陽右僉都御史沈良才為大理寺卿廣東左布
政使談愷為右副都御史巡撫南贛汀漳河南右布政使史

褒善為南京右副都御史提督操江

改王忬提督軍務兼巡撫浙江并福興漳泉其應天鳳陽山

東遼東巡撫都御史兼理海防松陽知縣羅拱辰六合知縣

董邦政各添注浙江按察僉事俱率民兵禦倭

戊辰作大通橋門彰義門城樓

金星晝見四日沒

庚午柘城盜師尚詔陷歸德尚詔本販鹽行劫巡撫謝存儒
誤委為伯長聽訟自恣守臣欲誅之遂反攻入郡殺檢校董
倫屠掠甚衆戒勿犯學舍子弟故官吏匿免而柘城少年乘

尚詔出掠淫其家遂攻柘城磔少年還攻鹿邑太康儀賓沈水韓巍寓太康率衆扼賊四日死之

辛未固原游擊陳鳳寧夏游擊朱玉來援過浮屠峪夾擊之虜馳去鳳玉急進守者具荐犒鳳玉曰毋緩虜吾旋軍享之追虜三家村大戰竟日殺傷過當

壬申虜欲北慮鳳玉躡之以騎綴我分衆出廣昌石門峪等塞上聞之大悅立進都督僉事賜金四十文綺二

八月亥朔虜東犯蔚州自平刑關入掠代州繁峙八日始出塞丙子存問靈丘王聰滿年八十

河南都指揮尚允指揮李塘等率兵援太康戰於鄆陵敗績戊戌免濟南東昌青堯災傷田租仍賑之

平樂縣猱賊平

增浙西兵備副使叅將

辛丑河南兵擊賊於霍山賊圍之副使曹邦輔身督戰遂破賊斬四百餘級賊走太康勢復振

壬寅蘓州府同知任環禦倭功進整飭蘓松兵備山東按察僉事環率民兵躬出戰徧其身書姓名曰死綏職也遺體不可棄識者為收其骨屢戰有功

癸卯勅旌晉府西河王奇溯長子表相孝行侍疾彌月不解
帶有雨鶴之祥初奇溯三歲而孤母病渴祝天甘泉湧渴愈
父子俱以孝聞

九丙午虜萬餘騎入大同平虜衛犯山西利民等堡山西巡撫
右僉都御史趙時春禦之至廣武諸將皆會時掠八角堡謀
僅二十騎去此兩舍可掩也時春擐甲前總兵李汝爭不聽
至岢嵐中伏汝與子松及大同叅將馮恩游擊李桂神池守
備孔賓偏頭守備高遷太原指揮陳金中軍把總尹忠皆戰
死軍殲焉時春走土墩哨卒繼上之乃免虜尋遁贈汝少保

辛酉叙功進宣大總督蘓祐兵部尚書兼右副都御史詹錦
衣千戶總兵劉大章都督同知巡撫艾希淳右副都御

史兵部尚書聶豹太子少保詹錦衣千戶餘陞賚有差

壬戌禮部左侍郎閔如霖兼翰林院學士同教習庶吉士
癸亥河南官兵連敗賊於蒙城商丘師尚詔勢蹙變服遁
賊起踰四旬破城八屠僇十萬餘人中原震動
甲子免廬鳳淮揚田租仍賑之

增直隸通泰叅將

乙丑薊永總兵官韓承慶為都督僉事總兵官移鎮山西

辛未禮部右侍郎吳山為左侍郎左春坊左庶子兼翰林院侍讀學士郭朴為禮部左侍郎

倭百餘人掠華亭掠金山衛先是六月倭東遁江南稍寧崇明南沙有涿倭三百人舟壞不能去總兵官湯克寬兵備僉事任環列兵守之久不克又告警

十甲戌朔盜警分賑河南粟三萬石山東四萬石

乙亥忻州定襄地震有聲

吏部左侍郎程文德請賑荒河東山東徐邳淮揚課有司冊記報可

丙子立柳將軍廟於新安鎮將軍名匡山東人宋時陣沒嘗見神於河道總河曾鈞以聞

丁丑榆次交城地震有聲

右春坊右諭德兼侍講學士 署院

已卯總兵官湯克寬以徐邳等兵擊南沙倭失利亡卒四百餘人

免北京宣府遼東紹興寧波台州災傷田租其海鹽平湖淮折兌仍賑之

辛巳南京太常寺卿鄭曉為刑部右侍郎

戊子湯克寬擊倭於寶山追敗之斬七十三級俘十四人
庚寅前總督漕運右副都御史連鑛卒

巡撫延綏右副都御史張珩為南京兵部右侍郎

壬辰宣府叅將張堅為署都督僉事總兵官鎮守大同

倭三百餘人突犯上海太倉至常熟知縣王鈇禦卻之

癸巳建安王宸瀟薨

乙未左春坊左中允李璣為左諭德翰林院脩撰郭鑿為司

經局洗馬

定武舉三登科鄉徑會試

丙申行人侯東萊賚賞諭南直隸山東撫按等官破格賑饑

刊示百姓

河南山東中都班軍仍分春秋入衛自二十九年虜患併班

俱四月初八衛十月初還

丁酉南京兵部尚書潘潢劾免逮前河南巡撫右副都御史

謝存儒至京

南京戶部尚書張經改南京兵部尚書起王輪右僉都御史

巡撫延綏

戊戌上憂民乏食問嚴嵩請發太倉粟數萬石平糶其山東河南發臨清德州粟賑之上又問暴骸嵩請巡城御史撫按各督有司掩埋仍賑京民二萬石煮粥命亟行之已亥諭戶部計處錢法嘉靖錢七百准一金舊錢倍之禮科給事中王正國往按延綏功罪初總督侍郎賈應春報斬虜二百八十五級巡按御史吉澄言米脂綏德延川延安甘泉洛川鄜州中部宜君共殺千七百六十餘人掠千九百七十五人以捷劄互異故遣正國

庚子獲師尚詔於葦縣巡撫河南楊宜賜金幣

辛丑京師外城成

壬寅涿倭登興化南日舊寨涿劫殺千戶王巨卿把總指揮張棟以舟師擊之走獨山知府董士弘圍而殲之時倭警真夷十三我奸民十七

十月癸卯朔南京右都御史周延為南京吏部尚書

甲辰湖廣龍潭安撫司土夷黃俊黃中等作亂據雲萬奉節大殺掠

乙巳倭復犯上海至嘉定

丁未命守備張啟元暫任田州田州土官岑芝卒子大壽四
歲偽孽莫鞏冒岑氏及土官岑施相構亂

戊申南京工部尚書孫應奎改南京戶部尚書

甲寅 上作重脩太岳太和山玄殿記

乙卯靖江王宗室經嵩潛至南京命廣西立間錮罪宗

城平湖蕭山奉化福清惠安

丙辰總理糧儲巡撫應天兵部右侍郎彭黯為南京工部尚

書

丁巳出內府錢折文武官俸及軍餉

辛未吏部尚書李默入朝

十二月癸酉朔輔臣請立太子不聽

甲戌運倉粟十萬石於宣大十二萬石於昌平

增紫荊倒馬居庸諸關隘隆慶諸衛卒月餉銀二錢

丙子玄岳太和山成頒賞諸臣

庚辰刑部右侍郎鄭曉改兵部右侍郎兼右僉都御史總督

漕運兼巡撫鳳陽

右春坊右諭德兼翰林侍讀尹臺為南京國子祭酒

定親籙孟夏冊封禮部以歲終當遣使而畿甸災傷驛遞艱

阻請移來年四月應古孟夏封諸侯之禮著為令

甲申蠲蕪松常鎮逋賦及改派蠲停各項

丙戌會議各邊總督鎮巡優劣罷薊遼總督何棟降宣府巡

撫劉璽免山西巡撫趙時春

戊子雪群臣表賀

琉球來貢

庚寅南京戶部右侍郎陳儒改刑部右侍郎兵部左侍郎楊

博兼右副都御史巡撫山西河南布政司右叅政劉廷臣為

右僉都御史巡撫宣府

宣府叅將歐陽安為署都督僉事總兵官鎮守保定

丙申江西左布政使陳洙為右副都御史總理糧儲巡撫應


天

己亥翰林編脩嚴訥為侍讀

漕河成總理河道右副都御史曾鈞為工部右侍郎兼右副

都御史

Handwritten text in vertical columns, likely bleed-through from the reverse side of the page. The characters are faint and difficult to decipher, but appear to be in a traditional Chinese script.



聖